

EYANG, TSOŠANG JESU

 A re feleng re eme dinakwana di se kae bjale, gomme re ya go ba le lentšu la thapelo.

² Ke nyaka go re, e no ba monyetla wo mogolo go nna go ba mo bošegong bjo ka go Grantway Assembly, le go kopana le modiša wa lena wa go ratega fa mo sefaleng sa gagwe, le kopanelo ye kaone ye. Ke be ke ipshina ka tšona dipina, ke eme morago kua, le go kwa basetsana, ke a dumela e be e le, go opela dipina tše botse tšela. Gomme ga go selo boka go tleng mmogo le go hlankela Morena, a se gona?

³ Bjale a re inamišeng dihlogo tša rena feela nakwana le go bolela le Yena Yo re tliego go mo rapela.

⁴ Tate wa rena wa Legodimong, re batho ba ba nago le monyetla bošegong bjo, go phela le go kgobokanywa fa go rapela Wena, gomme re a Go leboga bakeng sa se. Gomme bjale, ga se ra tlela morero wo mongwe eupša go rapela Wena, le go fa letago le tumišo go Wena bakeng sa se O re diretšego. Gomme ka kgonthe re amogela go se swanele ga rena. Ga re na maswanedi a se sebjalo.

⁵ Gomme go bona letšatši le re phelago, ge dietša di fifala! Gomme re hloka lehono go tsogeng ga moprofeta, boka go bile matšatšing a Samuele, ge Eli, ge a thoma go fifala, gomme seetša se be se eya ka ntile ka tempeleng ya Modimo. Ka gona Modimo o tsogile lefelongtiragalo. Gomme re a rapela, Morena, gore o tla tsoga lefelongtiragalo bošegong bjo magareng ga rena, gomme o tla ipontšha Wenamong o phela, mo—mo moprofeta yo mogolo wa baprofeta bohle, Morwa wa Modimo yo a phelago.

⁶ Gomme re—re a rutwa ka Lengwalong, gore, “Modimo mo dinakong tša kgale le ka mekgwa ye mentši o boletše le botate ka baprofeta, eupša ka go letšatši le la mafelelo ka Morwa wa Gagwe Jesu Kriste.” Oo, Morena, re a rapela gore O tla ba magareng ga rena bošegong bjo go—go dira go tsebja go rena Bogona bja Gago, ka mediro ya Gago ye megolo le diponagalo.

⁷ Šegofatša kgobokano ye, Tate, modiša wa yona, kamogelo ye ya go ratega, monna wa pelo ya go loka, le wa gagwe . . . le bohle bahlokomeiphahlo ba gagwe, matikone, le setšhaba. Gomme a nke e no ba nako ye kgolo ya kopanelo. Gomme re a tshepa gore re tla tšwela ka ntile ga fa re hlalala, re re, “A dipelo tša rena ga tša swa ka gare ga rena ge a be a bolela le rena tseleng?” Ka gore re e kgopela Leineng la Jesu, Morwa wa Gago. Amene.

⁸ Ka kgonthe go kwagala gabotse go ba morago ka kerekeng. Ke be ke ile matšatši a se makae ma—ma—ma—maikhutšong, godimo leetong, leeto la go tsoma, le go tla morago. Gomme

go ikwela wenamong morago ka sefaleng gape, go no kwagala kgonthe gabotse.

⁹ Gomme bjale ke bile le taletšo ye go tšwa go modiša wa lena mo, Ngwanešu Mack, dibeke tše dingwe tša go feta, go tla tlase mo. Eupša go direga bjalo gore, le a tseba, dipitšo, le mafelo go ya, go fihla ke—ke sa hwetše sebaka go e phethagatša.

Gomme gosasa ke swanetše go ya godimo Phoenix.

¹⁰ Gomme morago letšatši la go latela re tloga bakeng sa New York bakeng sa otithoriamo ye mpsha ye e sa tšwago go agwa kua, gomme re tše matšatši a se makae a mathomo ka go yona. Gomme kafao re na le Ngwanešu Arne Vick, le—le dikereke tša go thekga ka tšelete. Gomme re . . . Ke na le nnete modiša wa lena o tseba Ngwanešu Vick. Gomme, aowa, e sego Arne Vick. Ke kgopela tshwarelo. Ke a dumela e be e le John, mohlomongwe ngwanešu, le Stone Church, modiša wa Stone Church ye kgolo, e lego kgobokano ye kgolokgolo ya Pentecostal ka New York.

¹¹ Gomme ka gona re tla go tšwa kua morago tlase Shreveport, Louisiana, bakeng sa khonferense kua le Ngwanešu Jack Moore. Re be re le fao go fa Ditebogo go gongwe le go gongwe. Go fa Ditebogo go goraro go fetilego, ke thomile kopano kua; Morena o dirile, a ke re. Ntshwareleng. Gomme tsošeletšo ga se ya ke ya fela ge e sa le go tloga nako yeo. Kgafetšakgafetša, batho ba tla ka gare, ba phološwa, le go tlatšwa ka Moya wo Mokgethwa, kgafetšakgafetša ge e sa le go tloga nako yeo. Gomme tsošeletšo e tšwelapele. Gomme re na le matšatši a mahlano le bona. Gomme ka gona ke nagana ka . . .

¹² Go tla morago nako yeo go . . . godimo ka Phoenix, go thoma la lesomesenyane, ka Ramada Inn kua. La pele, la lesomesenyane, la masomepedi, la masomepedi tee, la masomepedi pedi, le la masomepedi tharo, ke a nagana, ke kopano. Ka mehla, ke ya go tloga kerekeng go ya kerekeng, pele ga khonferense ya Banna ba Kgwebo ba Bakriste. Eupša re ne bothata ka . . . O thoma kereke ya mathomo, gona mohlomongwe ya go latela ke ye nnyane, gomme batho ga ba kgone go tsena ka gare. Gomme kafao re ikwela, gona, ge nka kgona go hwetša Ramada, yeo e dudiša kua, oo, dikete tše tharo goba tše nne, gabotse, gona nka kgona go tliša bohole ba bona mmogo, yo mongwe le yo mongwe mmogo, le go tšwelapele lebakla mašego a mane pele ga khonferense ya Banna ba Kgwebo ba Full Gospel. Gomme ke swanetše go ba mašego a mabedi, ke a nagana, ke bolele mašego a mabedi ka go yela. E lego, Ngwanešu Roberts le diboledi tše dingwe tše kaone ba bolela ka kopanong yela.

¹³ Gomme ka gona, go tloga fao, go ya Visalia. Gomme morago re na le go fihla ka Matšhe, mo ka United States. Gomme morago re ya Europa bakeng sa leeto, go fihla June, gomme ba na le khonferense ya lefase kua. Gomme morago, gape, ke swanetše go bolela mašego a mahlano ka Philadelphia, tseleng go boela

morago, le khonfrense ya Ditšhabatšhaba ya Banna ba Kgwebo ba Full Gospel. Gomme morago re a ya, go tloga fao, go ya Durban, Afrika Borwa, le pele, go thoma ka Setemere la pedi go kgabola la boselela. Gomme godimo go ya Johannesburg, le pele go ya Kenya le Nairobi, le go kgabola fao.

¹⁴ Gomme kafao ka kgonthre re, bjalo ka ge ke tsebiša se, ke sodipa dithapelo, ka gore ge ke hwetša tlhokofalo ye kgolo le maikutlo a batho ba ba kgobokanego, bao e lego Bakriste. Ao ke maatla a ka, a ka go Bokriste, gomme batho ba a nthapediša. Gomme ka—ka nnene ke sodipa dithapelo tša lena. Gomme le ntirele seo, ge le rata.

¹⁵ Bjale, bošegong bjo, ga re nyake go tšea nako ye ntši kudu, gobane ke—ke—ke Lamorena bošego, gomme le swanetše go šoma ka Mošupologo. Eupša ke no rata go bolela ka Morena, gomme ke tla leka go e dira feela ka pela ka mo go kgonegago. Gomme ke a dumela morwa wa ka o boletše gore o file dikarata tsoko tša thapelo go rapelela balwetši, ge Morena a hlahla bjalo ka tsela yeo, go rapelela batho ba go babja.

¹⁶ Bjale, go rapeleleng balwetši, rena re... Seo ke sohle re ka kgonago go se dira, e no ba go rapelela balwetši. Ge go le phodišo e ka ba efe, e swanetše go tšwa go Modimo. Gomme bjale, go nagana ka dilo tšege re sa bolela, mabokgoni ohle ao le a hlokago bakeng sa phodišo a šetše a le fa, ge Jesu Kriste Morwa wa Modimo a rekile dilo tše mo Khalibari. Gomme a butšwe go e ka ba mang a ratago, a ka ba le phodišo Kgethwa. Selo se nnoši e se tšeago go šoma ke tumelo ya gago.

¹⁷ E no nagana, mohlagase o ka go mathale, eupša o swanetše go gatelela konopi. Le a bona? O swanetše go gatelela konopi. Gomme ka tumelo o gatelela konopi, o dumela gore e tla šoma. Bjale, ge mathale ohle a kgomagane ka go nepagala, gomme mohlagase o ka go lethale, gona ge o gatelela konopi yela se sengwe se ya go direga. Gabotse, yeo ke tsela ya go swana go lego ka phodišo Kgethwa, ka phološo, goba ditholanakgopololo tšohle tšege Kriste a di hwetšego, go re fa. Se sengwe le se sengwe se be se feditšwe kua Khalibari. Gomme selo se nnoši re swanetšego go se dira ke, ka tumelo, go gatelela konopi. Gomme ka gona e a ya, fao e a gotetša, le a bona. E no ba bonolo. Gomme fao...

¹⁸ Rena ba re rapelelago balwetši, nako ye ntši ba re gomaretša leina la mofodiši yo Mokgethwa. Eupša ka kgonthre go na le...

¹⁹ [Ngwanešu o bolela le Ngwanešu Branham ka ga tshepedišo ya modumo—Mor.] (Go lokile, mohlomphegi. Ke a go leboga.)

²⁰ Ka nnene, fao ga go selo se se bjalo ka—ka mofodiši yo Mokgethwa, ka gore Kriste ke Mofodiši yoo. Le a bona? Gomme ga go selo se sebjalo bjalo ka mophološi yo Mokgethwa, magareng ga batho. Kriste ke Mophološi yoo. Gomme e nong go nagana, gore motho yo mongwe le yo mongwe yo a phološitšwego, goba a ka tsogego a phološwa, o phološitšwe mo

Khalibari. Fao ke moo, "O gobaditšwe ka baka la dikarogo tša rena, gomme ka megogoma ya Gagwe re fodišitšwe." Thwi fao, re be re le.

²¹ Bjale, selo se nnoši ke, go rera Lentšu. Jesu Kriste, Morwa wa Modimo, o romile barutiwa ba Gagwe go ya ka lefaseng lohle le go rera Ebangedi go tšwa fao, a re, "Maswao a a tla latela bona ba ba dumelago."

²² Gomme ka mehla re hwetša magoro a mararo a batho magareng ga phuthego, ao ke: badumedi ba kgonthe, baitirabadumedi, le ba go se be badumedi. Kafao re... Bohle ba hlakahlakane ka kua. Ba bile le bona ka go letšatši la Gagwe. Re na le bona bjale.

²³ Eupša modumedi wa kgonthe ga a leke go hwetša polelo tsoko ye kgolo ya bohlale, goba motho tsoko wa go apara bokaone, goba makgone tsoko le yenamong sefaleng. Eupša ka tumelo ye bonolo... Kriste o bonolo kudu, gore, sefapano se bohlale godimo ga ntlhora ya yona. Ga se ba tsoge ba e hwetša. Gomme, efela, e bonolo bjalo ka—bjalo ka seatla sa gago se setona. Le a tseba, Jesu o lebogile Tate bakeng sa seo nako ye nngwe, gore, "O be a utile dilo tše go ba bohlale le ba tlhaologanyo, gomme a e utolla go masea ao a tlagoo ithuta." Le a bona?

²⁴ Gomme lehono, ge dikereke tša rena di eba bompogeng bjo bontši kudu bja Hollywood, sebakeng sa feela Ebangedi ya setlwaedi ya mehleng, le a bona, e fetogile phareiti ya roko, le—le seaparo sa bohlale, go fihla e bonala e gakantšha batho. Eupša ke—ke e rata feela ka tsela ye Beibebe e nago le yona fa, feela bonolo, go dumela gore mošomo o be o feditšwe ke Yena yo mogolo yola, Jesu Kriste, gomme Yena re mo ratago le go fa tumišo.

²⁵ Bjale a re boleleng ka Yena, eupša sa pele a re baleng le lengwe la Lentšu la Gagwe. Ke rata go bala Lentšu la Gagwe, ka gore Beibebe e boletše, gore, "Tumelo e tla ka go kwa, go kwa Lentšu la Modimo." Bjale, rena, ke ba bakae ba dumelago Lentšu la Modimo? A re boneng. Oo, seo se kaone. Ge re dumela Lentšu leo, seo ke sohle re swanetšego go se dira, ge re Le dumela. Bjale, seo ke kgwekgwe ya selo, ge re Le dumela.

²⁶ Gomme bjale hlokomelang, ge mašatši a feta, ke swanetše go fetola. Ke swanetše gore, "Gabotse, ngwaga wa go feta ke—ke—ke dirile selo se se itšege, eupša ga se ka se dira gabotse. Ke ithuta go fetiša ka sona." Le a dira. Bohle re a dira; saense e a dira. Saense e tla tšweletša se sengwe, ya re, "Se ka sesaense se bjalo." Gomme mo ngwageng, ka sesaense ga se bjalo. Eupša bothata bja yona ke, le bona, ba ka se e amogele. Re swanetše go e amogela, le go bolela gore re phošo. Le a bona?

²⁷ Eupša, go ne selo se tee ka Modimo, ga A dire diphošo. Gomme sephetho sa Gagwe sa mathomo ke sephetho sa

Gagwe se nnoši, gobane Yena ke mohlokamagomo. Gomme go ba mohlokamagomo, ke dinako tša go phethagala go phethagala, hlakanya le go phethagala. Gomme, go phethagala, ke mohlokamagomo. O tsebile dilo tšohle go tloga mathomong. Ga se A tsoge a gomiša lentšu morago. Ga A swanela go hlabologa, gobane sephetho sa Gagwe sa mathomo ke sephetho se nnoši se ka tsogego sa dirwa. Ga A ithute bontši, go ba botswerere, bjalo ka ge re tteleima re a dira. Eupša O be a phethagetše, le go thoma.

²⁸ Kafao, kagona, ge e ka ba eng re e balago ka Beibeleng, yeo, ka go tia re dumelago go ba Lentšu la Modimo. Gomme ge re bala Yeo, re ka khutšiša soulo ya rena thwi go Yeo. Modimo a ka se tsoge a E fetola. Ge A fetoga, gona O—O no ba boka ke le, le a bona, O ne magomo, gomme O tletše diphošo. Eupša Yena ga se wa magomo. Yena ke mohlokamagomo, gomme Yéna ga a kgone go dira phošo.

²⁹ Kagona, ge motho wa mathomo a etla go Yena, ka bothata bjoo o nago le bjona bošegong bjo, ge e le bakeng sa phološo, polane yeo Modimo a e beilego fase, go phološa motho yoo ka yona, ke polane ya go swana A go phološago ka yona. Gomme O bile le polane e tee, gomme yeo e bile ka madi a tšholotšwego. Gomme monna o tlie go Yena bakeng sa bolwetsi, godimo ga motheo O fodišitše monna yola ka ona, O swanetše go boloka selo sela sa go swana go ya go ile. Ge a dirile godimo ga thuto, tsela e tee nako ye nngwe, gomme tsela ye nngwe nako ye nngwe, gona o be o ka se tsebe o Mmatamelabjang. Eupša, le a bona, O swanetše go dira tlwa go swana nako le nako, kagona re ne boitshepo ka go Yena. Le a bona?

³⁰ Gomme ge e ka ba eng e sa direge, yeo re e kgopetšego, re swanetše go hlodišiša morago le go bona moo mothalo o swerwego. Le a bona? Go na le se sengwe sa phošo, felotsoko. Mohlomongwe kgatelelo ye ntši kudu e thuntšhitše fiose, le a bona. Eupša re—re swanetše go lokiša selo. Gomme ka gona ge ye nngwe le ye nngwe . . . ge ya rena . . . ge re . . . Ge meoya ya rena e sa re sole. Le a bona? Ge re se ra ahlolwa, gona re ne monyetla le Modimo, re a tseba re ya go hwetša se re se kgopelago. Re na le kgopelo ya rena ka baka la gore ga se ra ahlolwa.

³¹ Eupša ge re ahlolwa ka gosedumele, sebe sa mohuta e ka ba ofe . . . Gomme sebe ke gosedumele. Go na le feelsa mehuta ye mebedi, dilo tše pedi tše motha yo mongwe le yo mongwe ka lefaseng a phelago ka tšona, tše ke, tumelo goba gosedumele. Ga go na tselaseripa magareng. Ga go na monna wa go tagwa go hlapologelwa bošegong bjo. Ga go na dinonyana tše ntsho tše tšhweu bošegong bjo. Gomme ga go na bakgethwa modiradibe. E ba go tswalwa gape goba go se tswalwe gape. E ba gore re a dumela goba ga re dumele.

³² Kagona, ke a dumela, gore, ge Jesu a ahlola lefase. . . E lego, Modimo o tla ahlola lefase ka Jesu Kriste. Ke a dumela gore re tla ahlolwa ka Beibele ye. Bjale, Modimo a ka se kgone go loka, bjalo ka ge re dumela, le go ikema bjalo ka ge A le, gomme a se ne selekane tsoko re ahlolwago ka sona.

³³ Gabotse, ge ba re re tla. . . “O ya go ahlola lefase ka kereke.” Bjale, kereke ke efe? Le a bona? Katoliki e re, “Ke renा.” Gabotse, ke Katoliki efe? Gabotse, Moroma o re, “Ke renा.” Bagerike ba re, “Aowa, aowa. Ke renा.” Le a bona? Gomme Mamethodist ba re, “Ke renा.” Mabaptist ba re, “Ke renा.” Gomme Pentecostal e re, “Ke renा.” Gomme ye nngwe e re, “Ke renा.” Le a bona? Eupša ke. . . Seo se tla gakantšha kudu. Batho ba ka se tsebe ba dumele eng.

³⁴ Eupša, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga renा,” wa go swana maabane, lehono, le go ya go ile. Se ke se kahlolo ya renा e tšwago go sona, Beibele, kafao a re dumeleng ka tiišetšo Lentšu le lengwe le le lengwe.

³⁵ Gomme ke boletše, gore bja mmapale, boitemogelo bja go tswalwa gape bo tla feleletša tshepišo ye nngwe le ye nngwe ya Modimo ka “amene.” Ba ka se leke go re, “Gabotse, leo e be e le la letšatši le lengwe,” goba, “Woo ga se wa renा. Moya wo Mokgethwa e be e le wa batho morago ka go letšatši le lengwe.” Aowa, aowa.

³⁶ Petro o rile, ka Letšatši la Pentecost, “Tshepišo ke ya lena, go bana ba lena, go bona bao ba lego kua kgole, le ba bantši ba Morena Modimo wa renा a tla ba bitšago.”

³⁷ Jesu o romile kereke ya Gagwe, o rile, “Eyang ka lefaseng lohle gomme le rere Ebangedi. Yo a dumelago gomme a kolobetšwa o tla phološwa. Yo a sa dumelago o tla lahlwa, gomme,” ke lekopanyi, “maswao a a tla latela bona ba ba dumelago: Leineng la Ka ba tla rakela bodiabolo ntle; ba tla bolela ka maleme a maswa; ba sware disephente, goba ba nwe dilo tše di bolayago, di ka se ba gobatše; ba bea diatla tša bona godimo ga balwetši, gomme ba tla folा.” Bjale, yeo—yeo e ba gore ke nnete goba ke phošo. Go nna, ke bonolo. Ke—ke no dumela ke nnete, gomme seo ke sohle ke swanetšego go ya ka sona. Bao ba lekago go e hlathollela kgole, ke—ke no se kgone go bona seo. Ke a dumela gore ke Lentšu la Modimo, gomme ke Therešo.

³⁸ Bjale, nka no se be le tumelo go lekanela go dira tiro yeo yohle, eupša ka kgonthe nka se nyake go ema ka tseleng ya yo mongwe yo a nago le tumelo go lekanela. Nka no se be le tumelo go lekanela go swana le Henoge, yo a tšerego mosepelo wa morago ga sekgaleta le Modimo, gomme a se a swanela go hwa, o nno sepelela pele godimo Gae. Eupša ka kgonthe ke tla rata go bona yo mongwe a e dira bjale, le a tseba. Ka—ka kgonthe nka

se nyake go ema tseleng ya gagwe, go e dira. Ke rapelela mohuta woo wa tumelo, ka gore woo ke mohuta wa tumelo re yago go ba le wona. “Rena ba re phelago le go šala mo go Tleng ga Morena re tla fetolwa ka nakwana, ka panya ya leihlo, le go tšeelwa godimo mmogo le bahu ba ba tsošitšwego, go gahlanetsa Morena ka sebakeng, le go ba le Yena go ya go ile.” Yeo ke tlhogeloa ya pelo ya rena.

³⁹ Bjale, a re phetleng bjale go Mateo, tema ya 8, gomme re thome ka temana ya 23, go bala ka— ka karolo ye nnyane ya Lengwalo mo, go hwetša kgwekgwe, goba hlogotaba, ke ra gore, bakeng sa kgwekgwe ya ma—ma Mangwalo a se makae ke a ngwadilego fase mo, ao ke nyakago go šupa go wona, le ditshwao tše dingwe, dinoutse. Mateo 8:23, go thoma, le go bala temana ya 27, go akaretša.

Gomme ge a tsena ka sekepeng, barutiwa ba gagwe ba mo latela.

⁴⁰ Ke rata seo. Ba Mo latetše e ka ba kae A ilego.

Gomme, bonang, go tsogile ledimo le legolo ka lewatleng, gagolo go fihla sekepe se apešwa ka maphoto: eupša o be a robetše.

Gomme barutiwa ba gagwe ba tla go yena, le go mo phafoša, ba re, Morena, re phološe: re a senyega.

Gomme o rile go bona, Gobaneng le tšhogile, O lena ba tumelo ye nnyane? Ka gona O tsogile, gomme a kgalemela diphefo le lewatle; gomme go bile le go homola go gogolo.

Eupša banna ba maketše, ba re, Ke mohuta ofe wa motho yo, yoo ebile le diphefo le lewatle di a mo obamela!

⁴¹ Bjale, Morena ge a rata, ke nyaka go tšeа feela temana ye nnyane ya seripana go tšwa fao; e kwagala mohuta wa go tlaba, mantšu a mararo: *Eyang, Tsošang Jesu*, goba, “Go biletša Jesu lefelongtiragalo.”

⁴² Bjale, ye e bile ka nako ye kgolo ya kopano ya Morena wa rena, goba bodiredi bja Gagwe bja lefaseng. Gomme ke a dumela gore bodiredi bja Gagwe bja lefaseng ga se bja ke bja feta, ka baka la gore O ka bathong ba Gagwe bjale. Modimo o be a le ka go Kriste; Kriste ka go batho. Gomme O dira mediro ya Gagwe ya go swana bjale yeo A e dirilego nako yela. Kafao O lapile, gomme o be a lapile ka letšatši, ka go tema ya go feta, go ya ka—ka Mareka 4:35. Re hwetša fale gore O be a fodišitše mmago mosadimogatša wa Petro ka letadi, gomme go bile le mehlolo ye mentši ye megolo A e dirilego.

⁴³ Gomme re hwetša fa gore O be a ruta ka diswantšho, ka mehla a eya gohle a dira taelo ya Tate. Gomme go tla ba bose ge

bohle re Mo tšere bakeng sa mohlala wa renā: ka mehla morerong wa Tate.

⁴⁴ Gomme O swanetše go be a be a lapile le go kgathala, ka tseleng ya Gagwe. Gomme ke a Mmona, O bile le tlhoko go kgabaganyetša godimo ga Galelia. Gomme ge A thoma go tshela, a lapile le go kgathala, maatla a be a tšwile go Yena, go tšwa go dilo tšohle tše A di dirilego, go rera, go rapeleta balwetsi.

⁴⁵ Gomme O tsebile, gobane O be a le Modimo, gomme O tsebile go be go le mošomo wo mogolo pele. O tsebile go be go le segafa godimo ka Gadara, yo a bego a le monna wa lebelete lebaka la mengwaga, moisa yo moswa, bjalo ka ge re botšwa, yo a lahlegetšwego ke go fa mabaka ga gagwe—ga gagwe ga motho, le go phela ntle ka mabitleng ka moyā wo mobe. Gomme a lefelo la monna go phela, ka serapeng sa mabitla, eupša go swanela diabolo kudu go ba magareng ga dilo tša go hwa. Kafao o phetše ntle fale, gomme o be a tlaišega gampe kudu ka matimone a, go fihla ba—ba (o—o) robile diketane, gomme maatla a gagwe e be e le maatla a godimodimo.

⁴⁶ Gomme a le kile la bona monna yo a hlasetšwego ke moyā wo mobe boka yola? O makga a mmalwa maatla a gagwe. Ke ba hlokometše bjang ka dikopanong, ge dihlopha tša maphodisa di sa kgone le go ba swara. Ba tla kgeila ona maphodisa ka diripana, le go ba lahlela ka thoko, le—le go tšwela ntle ka go...le go tšwelapele.

⁴⁷ O ka tsela... Gobane o ineetše ka bottlalo go yo mobe, bo mo ruile, gomme o be a se ne kwešišo ya gagwe mong. O dirile feela se moyā wo mobe o se beilego ka go yena go se dira.

⁴⁸ Ka gona ke naganne, ka boineelo bja go felela go diabolo, go kgona go fa monna mohlomongwe makga a mahlano maatla a gagwe, na boineelo bja go felela go Modimo bo tla dira eng go monna? Go tla dira eng go segole seo se fokolago ka mmeleng, gomme ga se kgone go sepela, goba se sengwe? Ge re ka no ineela ka go felela go Moya wo Mokgethwa, wa re fa maatla a godimodimo, go tsoga Leineng, gobane, “Yo mogologolo ke yo a lego ka go lena go feta yo a lego ka lefaseng.” Le a bona? O... Ma—ma maatla ka go Modimo, ao a lego ka go wena, ke a magologolo go feta tlaišego e ka ba efe e ka tlago godimo ga gago. Ga se gona se ka go fetago, seo se ka go fekeetšago, ka gobane o tletše ka maatla a godimodimo. Gomme maatla ao a godimodimo ke Moya wo Mokgethwa wo o bušago bophelo bja gago, ge o le Mokriste.

⁴⁹ Gomme mošomo wo mogolo wo o letše gare ga Gagwe le letšatši la go latela, gomme O tsebile se. Gomme kafao ge sekepe se be se tshela lewatle, O tšere monyetla bakeng sa go khutša go gonyane. Bjale, ngwanešu, modiša fa, le badiredi ba bangwe, o tseba se e se rago magareng ga kopano ya mosong le kopano ya morago ga sekgalela. Dinako tše ntši, gagolo ge o hwetša dimaele

di se kae tša makgwakgwa go swana le ge ke na le tšona, o tla rata go robala fase le go khutša metsotso e se mekae, le a tseba, go no lapa.

⁵⁰ Gomme elelwang, Jesu e be e le motho; motho bontši kudu, O kgonne go hwa; motho bontši kudu, O kgonne go lla; motho bontši kudu, O kgonne go swarwa ke tlala. O be a le, ka tsela ye nngwe, motho, gobane O be a le Morwa wa Modimo wa go hlolwa. Modimo o dutše ka go Yena. Bjale, eupša O be a le motho. Gomme O be a le motho le Modimo, mmogo. Modimo o hlotše Sele ya madi ka popelong ya kgarebe Maria.

⁵¹ Yeo, re a tseba madi a a tla, haemoklopini, e tšwa go bong bja monna. Kgogotshadi e ka kgona go bea lee, nonyana; eupša ge e se ya ba le monna, le ka se phaphaše. Ga se la nona. Kafao le tšwa go ye tona.

⁵² Gomme ka go taba ye, monna e be e le Modimo, Moya, Jehofa, Tate. Gomme O apešitše kgarebe ka moriti le go hlola Sele ye ya madi ye e tlišitšege pele Motho, Kriste Jesu, e bego e le Morwa wa Modimo. Bjale, O be a se le ge e ka ba Mojuda goba Montle. O be a le Modimo. Gobane, le a bona, O be a se madi a Mojuda, eibile O be a se madi a Montle. O be a le Madi a Modimo, Madi a go hlolwa go re lopolla. Kafao ga go Mojuda le ge e le Montle a ka kgonago go re O be a le wa rena goba seo. O be a le... O hwetše morafe wo o welego wa Adama, bakeng sa mahlakore a mabedi, bakeng sa batho bohole, mogohle, ba ba tla Mo dumelago.

⁵³ Bjale, go tšeeng go khutša go gonniane go, barutiwa ba Gagwe ba ile morago go diseila tša bona. Gomme ke tla eleletša ba be ba le banna ba lewatle kudu gobane ba be ba tswaletswe gona lewatleng, le go godišetšwa fale, gomme ba tsebile di—di dintsanantsana tšohle tša lewatle le meetse a a go se botege, le moo meelawatle e bego le le gona, le moo hlapi e bego e le gona, diiri le dinako. Kafao ba tšere mahuduo a bona gomme ba Mo latela. O be a eya godimo Gadara. O be a tla no fetša tsošeletšo ka lehlakoreng le lengwe le, ge A be a eya go tshela lewatle.

⁵⁴ Bjale, go beng go lapa, O ya morago ka morago ga sekepe, gomme—gomme yo mongwe wa bangwadi o rile O robetše fase godimo ga mosamelo: o swanetše go be a be a lapile. Gomme le no nagana dinakwana di se kae, le ka fao A katanego go re phološa. Dilo tše tšohle di be di le bakeng sa go loka ga rena. Gomme O ya morago, go robala fase. Bjale, barutiwa...

⁵⁵ Tsošeletšo e fedile. Tsošeletšo ya letšatši leo e fedile, gomme bjale ba morago go mošomo wa bona wa go hudua le go sesa. Gomme ba swanetše go be ba be ba hlalala godimo ga mediro yeo ba Mmonego a e dira. Mediro ye A e dirilego, ba swanetše go ba be ba ahlaahla ditiro tša Gagwe, gobane O be a le morago ka sekepeng, a robetše.

⁵⁶ Gomme ke nagana gore, bontši ka moka, bo bolela ka nako ye moo re phelago, le a bona, tsošeletšo ye re sa tšwago go e

fetša, tsošeletšo ye ya pentecostal, tsošeletšo ye kgolo ya phodišo ye e šišintšego lefase lohle go dikologa. E no naganang, mello ya tsošeletšo e tuka godimo ga thaba ye nngwe le ye nngwe godimo ga lefase, go dikologa le go dikologa lefase. Ke a le sepela, kgafetšakgafetša. Go lokišetša go dira leeto le lengwe la lefase. Gomme ka nageng ye nngwe le ye nngwe, le ka setšhabeng se sengwe le se sengwe, mello ya tsošeletšo ya pentecost e a tuka. Mapresbyterian ba a e amogela, Mabaptist, Malutheran, Mamethodist. Ka kgonthe ke tiišo ya mafelelo yela ge Modimo a bitša batho ba Gagwe. Gomme mello ye megolo ye ya tsošeletšo e a tuka.

⁵⁷ Gomme barutiwa ba, bjalo ka ge re le lehono, tsošeletšo e be e fedile. Gomme ba be ba kgobokane godimo ka pele ga sekepe, mohlomongwe, goba go mahuduo a bona, gomme ba be ba bolela ka se A se dirilego, mediro ya Gagwe, seo se Mmoletšego pepeneneng go bona, ka go ba se A tteleimago go ba sona.

⁵⁸ Bjale, le a tseba, motho a ka tteleima go ba bontši e ka ba eng. Eupša leo ga se leswao gore ke bona se ba tteleimago go ba. Le a bona? Re—re hwetša seo ka go mosepelo wo mongwe le wo mongwe wa bophelo. Re hwetša barekiši ba ba tteleimago go ba barekiši, gomme ga se bona. Re hwetša banna ba mohlagase ba ba tteleimago go ba banna ba mohlagase, gomme ga se bona. Re hwetša bomakheniki bao ba tteleimago go ba bomakheniki, gomme ga se bona. Gomme re hwetša banna ba ba tteleimago go ba Bakriste, gomme ga se bona.

⁵⁹ Jesu o boletše pepeneneng se Mokriste a bego a le sona. Le a bona? “Maswao a a tla latela bona ba ba dumelago,” le a bona, se ba tla se dirago, se Kereke ya go dumela e tla se dirago. Gomme Yena e le Modimo, le mohlokamagomo, O—O—O rile, “Magodimo le lefase di tla feta, eupša Lentšu la Ka le ka se tsoge la palelwa.” Kafao, e swanetše go dula ka tsela yeo ka mehla. O e boletše. Ke a e dumela.

⁶⁰ Bjale, barutiwa ba boledišana seng sa bona, se mešomo ya Gagwe, e dirilwego, le ka fao batho ba e amogetšego. Yeo e ka no ba e bile poledišano ya bona, ka Yena go beng Mesia. Gomme go be go se pelaelo ka menaganong ya batho ba bangwe. Mohlala, ba ka no ba ba rile, “Bjale, Moshe o rile Morena Modimo wa rena o tla tsosa moprofeta wa go swana le yena. Mang le mang a ka se kwego moprofeta yo o tla kgaolwa go tloga go batho. Bjale, re a tseba gore Mesia o be a eya go ba Modimo Moporfeta. O be a eya go ba Monna yo a bego a tla ba mo—mo Moporfeta wa godimodimo. O be a tla ba Modimo wa baprofeta, eupša, efela, mo tiragalang, O be a tla ba Moporfeta, gobane Lentšu la Modimo le tla feela go moprofeta. ‘Lentšu la Modimo le tla go moprofeta.’” Bjale, gomme gona Yena go beng... Leo e be e no ba Lentšu leo le ttilego go baprofeta, eupša O be a le Lentšu. Le a bona? Yeo ke phapano. Kafao O be a swanetše go ba Moporfeta.

⁶¹ Gomme ga go pelaelo gore ba be ba ahlaahlile ka ga ge, Simone, ge la mathomo a Mmone, gomme O mmoditše o be a le mang, leina la tatagwe e be e le mang. Gomme, gobaneng, o tsebile gore Monna yola o be a sa mo tsebe, kafao o tsebile yoo e swanetše go ba moprofeta. Gomme ka gona ge Filipi a bone se, gomme a ile le go botša Nathaniele, gomme Nathaniele o tla morago go bona, gomme se se bego se direga. Gomme Jesu o boletše le yena gomme o rile, “Bonang Moisraele,” ntle fale ka go batheeletši, le a tseba, a eme le Filipi, o rile, “ka go yena ga go bomenetša.”

⁶² O rile, “Rabi, O ntsebile neng?” Mantšu a mangwe, leo e bile lekga la mathomo ba kilego ba Mmona.

⁶³ O rile, “Pele Filipi a go bitša, ge o be o le ka tlase ga mohlare, Ke go bone.” Oo, nna!

⁶⁴ O rile, “Rabi, wena o Morwa wa Modimo. Wena o Morwa wa Modimo, Kgoši ya Israele.” Bjale, seo se Mo dirile Mesia.

⁶⁵ Gomme ka gona, nnete, go be go le ba bangwe ba orthodox ye kgolo ba eme kgauswi, ba ba bego ba sa dumele se. Gomme ba ile ba swanela go arabela go phuthego ya bona. Ba rile, “Monna yo ke Beletsebubu. O na le moyo wa Beletsebubu.” Gomme Beletsebubu e be e le diabolo, e lego mmolelelamahlatse, goba moloi. “Gomme ke ka mokgwa wo a dirago seo. Ke go bala monagano, gore o bala menagano ya bona ka boloi goba se sengwe ka mokgwa woo, gomme se se mo dira diabolo.”

⁶⁶ Jesu o rile go bona gore mokgwa ohle wa maroga o tla lebalelwaa morwa wa motho, ntle le go rogaka Moya wo Mokgethwa. Le a bona? Gomme Moya wo Mokgethwa o be o sešo wa fiwa. Ka fao ge Moya wo Mokgethwa o be o etla, gomme o be o tla ba ka morago ga ge Poelano e dirilwe, le go dira mošomo wo Jesu a o dirilego, e tla ba sebe sa go se lebalelwaa go bitša woo moyo wo mobe. Naganang ka seo. Le a bona? Morago . . .

⁶⁷ Jesu, O be a le fao go bonagatša Lentšu. Motho o be a sa le ka sebeng, feela ka moneelo wa phoofolo. Gomme bophelo bja phoofolo bo be bo sa kgone go tla godimo ga modumedi, ka baka la gore e be e le phoofolo, gomme yo e be e le—e le motho. Gomme phoofolo ga e na soulo; motho o a dira. Gomme mo go be go le Kgoši ya disoulo, Modimo ka Boyena, a bonagaditšwe ka bomotho bja Morwa wa Gagwe, Jesu Kriste. Gomme ge A hwile, Moya wa Modimo o tla morago godimo ga modumedi. Gomme ka gona motho yo a nago le sebakabotse go amogela Wo, gomme ka gona a bitša go šoma ga Moya woo, “diabolo,” ke goselebalelwaa. E ka se tsoge ya lebalelwaa.

⁶⁸ Bjale, mme wa ka wa borwa, ge ke be ke sa no ba mošemane yo monnyane, pele ke sokologa, o be a le mosadi wa go loka nako yeo.

⁶⁹ Ke bile le monyetla wa go hlahlela mme wa ka go Kriste, le go mo kolobetša, le go mmona a hlokofala, go swara diatla tša

gagwe ge a be a hlokofala, le go bolela ka Jesu go fihla ebole a sa kgone go bolela gape, go tumiša Leina la Gagwe. Ke rile, “Mme, ge o sa Mo rata, ponya mahlo a gago,” gomme o be a no ponya mahlo a gagwe, gomme megokgo e kitima go theoga marama a gagwe, ge a ile go kopana le Modimo.

⁷⁰ Gomme o be a fela a re go nna, pele a tseba bokaone, “Billy, ge go—go rogaka Moya wo Mokgethwa go le sebe sa goselebalelwé,” o rile, “seo se ra gore motho yo a ka tšeago bophelo bja gagwe mong, a ka se kgone go lebalelwá sona.” Yeo e be e le kgopoló ya gagwe ya yona. Eupša moragwana re a kwešiša gore *thogako* ke go “nyefola, goba go dira metlae, go bolela le go dira metlae ka Moya wo Mokgethwa.”

⁷¹ Gomme Jesu mo o ba boditše, o rile, “Le ka bolela dilo tšeо le go mpitša Beletsebubu, seo, Ke tla le lebalela. Eupša ge Moya wo Mokgethwa o etla ka morago ga ge Ke sepetše, gona ke goselebalelwé, go—go rogaka woo. Gomme ge A etla . . .” Yena, yo e sego kgopoló, bjale, ke Motho. Yena ke lešalašala. Yena ke Motho. “Gomme ge A etla, A ka se lebalele dikarogo tša lena bakeng sa seo. Le a bona? O tla dira mediro ye Ke e dirago ka go felela. O tla tšwetšapele bodiredi bja Ka. Gomme O tla le ruta dilo tše tšeо Ke le rutilego, gomme o tla le bontšha dilo tše di tlago.” Le a bona?

⁷² “Ka gore Lentšu la Modimo,” Bahebere 4, “le bogajana go feta tšoša ya magalemabedi, go ripa go aroganya ebole le go moko wa lerapo, le Mohlathi wa dikgopoló tšeо di lego ka pelong.” Moya wo Mokgethwa o a hlathá, le a bona, gobane Ke Lentšu. Yena ke Lentšu. “Gomme Lentšu la Modimo ke le bogajana go feta tšoša ya magalemabedi, Mohlathi wa dikgopoló le maikemišetšo a pelo.” Oo, ba ka be ba tsebile seo.

⁷³ Ka gona, ka gona dilo tšohle tše ba di boletšego, le ka fao mosadi sedibeng a tlago godimo, le dilo tše dingwe tše ntši, sefou Baratamio, le dilo tšeо ba Mmonego a di dira. Gomme ka gona ba swanetše go be ba be ba ahlaahla yeo. Gomme ba be ba kgodile gore yola e be e le Mesia, ga go motho yo mongwe a bego a ka kgona go tšeа lefelo la Gagwe.

⁷⁴ Ka baka la gobaneng? Ga se ba be le moprofeta lefaseng lebaka la makgolo le makgolo a mengwaga. Gomme gateetee, fale go tsogile moprofeta ka leina la Johane, a sa ikgodiše yenamong, eupša o kwagaditše se, go bega se, a ke re, gore, “Mesia o thwi bjale magareng ga lena. Le a bona? Fao go eme Yena magareng ga lena.” Oo, nna! O be a ikemišeditše gore ba tla tseba gore iri e be e batametše.

⁷⁵ Johane Mokolobetši e be e le monna yo mogolo. Le tseba tswalo ya gagwe, le ka fao a amogetšego Moya wo Mokgethwa pele a tswalwa, ka popelong ya mmagwe.

⁷⁶ Ge, Maria a etla, a le kgarebe, gomme o mmoditše gore o be a eya go ba le lesea, le go botša Elisabetha ka go beng le

lesea, le ka ga ka fao Moya wo Mokgethwa o bonagetšego go yena, Morongwa wa Morena, a ke re, gomme o mmoditše gore o be a eya go ba mme le yena. Gomme o rile, "Ke ya go ba le Morwa, gomme ke tla bitša Leina la Gagwe Jesu." Gomme ge a rile, "Jesu," lekga la mathomo gore Leina lela le kilego la ke la bolelwa ka go dipounama tša motho. Lesea le lennyane ka popelong ya mmagwe, le hwile, o be a tshwenyega ka lona. Ga go bophelo, dikgwedi tše tshela, seo ke go se felele gohlegohle. Eupša ka pela ge Leina lela "Jesu" la mathomo le boletšwe ke dipounama tša motho, yola yo monnyane, Johane wa go hwa ka popelong ya mme o tla bophelong gomme a taboga ka lethabo, Beibele e a bolela.

⁷⁷ Ge e ka dira seo go lesea le le hwilego, e swanetše go dira eng go Kereke ye e tswetšwego gape ye e tladitšwego ka Moya wo Mokgethwa? Fodišang balwetsi, phološang balahlegi! Le a bona? "Ka gore ka pela ge tumedišo ya gago e etla ka ditsebeng tša ka, lesea la ka le tshetše ka popelong ka thabo," le a bona. Gomme o be a tletše ka Moya wo Mokgethwa go tšwa popelong ya mmagwe. Gomme monna yo wa go tlala ka Moya wo Mokgethwa...

⁷⁸ Le ge, tatagwe e be e le moprista. Ka mehla, e be e le setlwaedi ka go wona matšatši gore ngwana a latele setšo sa bona sa tatago bona, goba mošomo wa tate. Gomme bjale re hwetša gore Johane, mošomo wa gagwe, o be o le bohlokwa kudu gore a se kgone go ya sekolong sa baprista bao tatagwe a bego a ba hlokometše, gobane ba be ba tla be ba re, "Bjale, o a tseba, Ngwanenšu *Semangmang* fa o tlemegile... O swanetše go kwalakwatša Mesia. Yo ke Yena. Gobaneng, o a tseba yo ke Yena, gobane, lebelela, ke moisa yo mokaone bjalo."

⁷⁹ E tla ba ka kgetho ye e swanago ye barutiwa ba e dirilego go ke mang a tla tšeago lefelo la Judase. Le a bona? E wetše godimo ga Mathiase. Ba kgethile Mathiase, ka matengwa, eupša Modimo o kgethile Paulo. Le a bona? E be e fapano.

⁸⁰ Hlokamelang. Gomme re hwetša gore mošomo wa gagwe o be o le bohlokwa kudu, go fihla a ile ka lešokeng le go dula fale go fihlela a be a le bogolo bja mengwaga ye masometharo. Gomme ge a tlide ntle, a rera, o tsebile ke mohuta ofe wa Motho Jesu yo a tla bago. Ka gore, o—o eme kua, gomme o be a na le mnete kudu gore E be e eya go tla ka letšatšing la gagwe, go fihla a rile, "Go na le yo Motee o eme magareng ga lena, dieta tša Gagwe ke se nago maswanedi a go di rwala. O tla le kolobetša ka Moya wo Mokgethwa le Mollo."

⁸¹ Gomme letšatši le lengwe, a eme fale, o lebeletše, gomme o bone leswao le etla go tšwa legodimong. Gomme o Mo tsebile, ka leswao. Gomme Johane o beile bohlatse, o beile bohlatse boka bjo, "Ke beile bohlatse gore ke bone Moya wa Modimo, bjalo ka leeba o fologa go tšwa legodimong, gomme Segalontšu sa re, 'Yo

ke Morwa moratwa wa Ka Ke kgahlwago ke go ba ka go Yena.”” O tsebištše Mesia gobane o bone leswao la Mesia.

⁸² Bjale, barutiwa ba ba swanetše go be ba be ba ahlaahla se, ka morago ga ge tsošeletšo ye e fedile, le a bona, seo go letšatši leo, mokgwatebelelo wa batho ba bangwe. Ba bangwe ba a dumela. Ba bangwe ga ba dumele.

⁸³ Seo ke selo sa go swana re se hwetšago lehono. Go na le batho ba ba dumelago. Ba bangwe ga ba dumele. Re na le yona ka go—ka go dikgobokano tšohle: badumedi ba bangwe; ba bangwe ga ba dumele, le gannyane.

⁸⁴ Gomme ba bangwe ba rile, ka letšatšing leo, “Ga se nke monna a bolela boka Monna yo. Ga A bolele boka moprista goba moreri. Se Monna yola a se bolelago se direga thwi fao. Le a bona? O bonagatša se re rerago ka sona. Le a bona? Yena, fao ga se gwa ke gwa tsoge gwa ba monna wa go bolela ka mokgwa wo.” Go lokile.

⁸⁵ Gomme fao go be go le basedumele, ba rile, “Monna yo ke Beletsebubu. A ka kgona feela go dira se ka moyo wa diabolo.” Gomme Jesu o ba kgalemile.

⁸⁶ Ka gona go swanetše go ba go boletšwe, Johane, moisa yo moswa, a ka no ba a rile, “Naganang ka yona, baena, re na le Yena le rena bjale. Oo, a kgopoloo! Bjale o ka sekepeng le rena.”

⁸⁷ Ge rena, bošegong bjo, ngwanešu le kgaetsedi wa ka yo bohlokwa, re ka kgona feela go dula fase dinakwana di se kae, go lemoga, Mesia yo re boletšego ka yena, gomme Modimo o rile o tla tla. Gomme o be a le mo lefaseng; a hwa, a tsoga gape, a rotogela ka Legodimong. Gomme a tla morago go—go—go...ka morago ga matšatši a lesome, gomme a tšwelela go bona ka Pentecost, gomme a roma Kereke ya Gagwe. Jesu yola wa go swana o na le rena lehono ge re sesa kgwekgwe ya bophelo ya go hlomphega. Re bolela ka Yena. Re nagana ka Yena. Re bala ka ga Yena, se A se dirilego, se A bilego, ka fao A phetšego, ke mohута ofe wa mediro A e dirilego, gomme morago ra lebala ka yona. A le a lemoga gore O na le rena, e sego feela le rena, eupša ka go rena? Oo, ke nagana seo bjang!

A maikutlo a tshireletšo e swanetšego go ba e bile, go nagana ka yena Mohlodi Yenamong, ba sesa go kgabola meetse a a huduegilego le bona.

⁸⁸ Oo, a polokego e lego lehono, go tseba gore yena Modimo yoo a dirilego magodimo le lefase, yoo a dirile lerole le re dulago ka go lona, le bitswago mebele, o sesa go theoga lewatle la bophelo le rena, a tseba gore bolwetsi le bohloko bo a re nyamiša, gomme lehu le re tsepeletše sefahlegong. Eupša re swanetše go boifa eng? Yena Mohlodi wa lona lerole, tšona dielemente tše lesometshela tše di re dirago, peteroli amo le seetša sa khosmiki, o sesa le rena go kgabola ledimo le lengwe le le lengwe le lewattle le lengwe le le lengwe. Therešo ya gagwe e ka se tsoge ya palelwa. O na le rena,

gomme o rile, “Bonang, Ke na le lena ka mehla, ebile go fihla bofelong bja lefase.”

⁸⁹ Bjale, go sesa meetse a a hiduegilego, ba be ba ahlaahla se, le go nagana ka tshireletšo ye e swanetšego go ba e be e le ya batho ba ba bego ba na le bona, barutiwa le dilo, tše di tshwenyago. Ba a tseba go bile le tsošeletšo ye kgolo e sa tšwago go direga, gomme ba be ba keteka dipelo tša yona.

⁹⁰ Bjale, ke nagana seo ka moka se bontši boka rena lehono. Re bile le tsošeletšo ye kgolo, eupša, re hwetša, e a fola. Bjale, go ya ka histori, ye ke sego motho wa go rutega, eupša ke tšere histori ya dikereke, *The Nicene Fathers*, le *Babylons* ya Hislop, le go ya pele, gomme ke hwetša gore tsošeletšo e ka ba efe e tšeа feela e ka ba mengwaga ye meraro. Seo e no ba botelele e bo tšeago. Eupša ye e sa ya pele lebaka la e ka ba mengwaga ye lesometlhano, gobane ke nagana e ka ba ya mafelelo re tla bago le yona. Kafao re kgauswi le go Tla ga Morena.

⁹¹ Gomme kafao bjale mohlomongwe go bjalo ka ge ba be ba le, go sekepe sela bošegong bjola, mohlomongwe re selo sa go swana, gore rena, barutiwa ba Gagwe ba ba dumelago ka go Yena, bjale re no keteka godimo ga se re se bonego se dirwa. Oo, dilo tše ke Mmonego a di dira! Go tla tšeа dikgwedi le dikgwedi, go . . . Nka ngwala bo—bo bolumo ya dipuku, tša se ke Mmonego a se dira, sa maswao a magolo, dimaka, mehlolo. Yeo e no ba . . . E ka godimo ga kwešiо e ka ba efe ya motho. E be e swanetše go ba maatla a kagodimogatlhago a Modimo, go dira selo se sebjalo.

⁹² Gomme ga—ga ke nagane gore ke tla ema fa godimo ga teseke ye, bjalo ka modiredi wa Ebangedi, gomme o tla—gomme o tla bolela se sengwe seo se bego se fošagetše, go boneng ke bogolo bja mengwaga ye masometlhano nne gomme matšatši a ka a a felela. Ke swanetše go kopana le Yena. Ke swanetše go ba . . . Ke nyaka go hlokofala ka therešo. Dilo tše di nepile, gomme di swanetše go ba. Le a bona? Gobane, e sego feela seo, eupša ke tla be ke fapoša batho.

⁹³ Eupša ke tla re, bošegong bjo, gore ke Mmone. O bile le katlego ye ntši ka go—ka go matsapa a ka a mannyane ao ke a beilego pele. Bjale elelwang. O bile le katlego ye ntši go feta matsapa ao ke a beetšego pele Yena, ka Ebangedi ya Gagwe, go feta ka mo A dirilego ka nagegeng ya Gagwe mong mo A tšwago. Ke—ke tla ngwala Dibeibebe, go tseba se A se dirilego ka matšatšing a a mafelelo, ka gore O tshephišitše seo.

⁹⁴ “Dilo tše Ke di dirago, le tla di dira, le tše di fetago tše le tla di dira.” E re “ye megolwane,” e lego, lentšu la maleba fao. Ga go yo motee a ka kgonago go dira ye megolwane. O dirile se sengwe le se sengwe seo se ka dirwago, le a bona, go tsoša bahu, go emiša tlhago, le se sengwe le se sengwe gape. “Eupša bontši go feta bjo le tla dira.” Gobane Moya nako yeo o dutše ka go Motho o tee, Morwa wa Modimo, bjale barwa ba Modimo ba

gohlegohle lefaseng. “Bontši go feta bjo le tla dira, gobane Ke ya go Tate,” le a bona, go romela morago Moya wo Mokgethwa godimo ga Kereke.

⁹⁵ Gomme kafao ba swanetše go ba nako yeo boka re le bjale, re khutšitše magareng ga ditsošeletšo, re letile go Tla ga Morena. Gomme ge re sesa go bapa, re paka, re bolela ka, “Oo, ke elelwa ge re bile le kopano ye *kua*. Ke elelwa ge se be se le godimo *fa*. Lesea le le hwilego le robetše *fale*, gomme le be le hwile lebaka la matšatši a mabedi, gomme ba le tlišitše ka gare ga kopano, gomme Moya wo Mokgethwa wa le tsošetša thwi bophelong gape. Bona motho yo a etla ka tsela *ye*, le ka tsela *yela*, difofu, diritša, digole, batlaišwa, go ba botša se ba se dirilego, le se se diregilego, ka fao Moya wo Mokgethwa o kopanego le batho mo sefaleng, o ba boditše se ba se dirilego. Bafori ba tlile godimo le go nagana e be e le go bala monagano, le go biletšwa ntle thwi. Gomme ba bangwe ba bona ba golofetše, thwi ka pele ga mahlo a renā, pele ga dikete tša batho. Dilo tšohle tše kgolo tše di a e netefatša.” Gomme bjale re mohuta wa go khutša magareng ga nako, le a bona, go khutša.

⁹⁶ Mohlomongwe Jesu o be a dira nako yeo boka A dirile mo letšatšing la tlholo. O hlotše lefase, le magodimo le lefase, ka matšatši a tshela. Gomme letšatši la bošupa, O khutšitše.

O re, “A yola e be e le Jesu?” Ee.

Beibele e rile, “O be a le lefaseng, gomme lefase le dirilwe ke Yena, gomme lefase ga se la Mo tseba.”

⁹⁷ Kafao mohlomongwe O be a khutšitše, go tloga tsoselētšong e tee go ya go ye nngwe, feela bjalo ka ge A be a khutšitše magareng ga Genesi le go Tla ga Gagwe, le a bona, go tsea go khutša go gonyane. Nako yeo, ge A be a leka go khutša, gomme barutiwa ba be... ba be ba lebetše ka ga Yena a na le bona, kafao nako yeo bothata bo ile bja tsoga.

⁹⁸ Woo ke motsotso a thomago. Ge kereke e lebala ka Bogona bja Jesu Kriste, ge re lebala le go thoma go baka le go kgorometšana, le go ngangišana ka diphapano tša renā tša kerekeleina, le go ya pele, ke tlwa ge bothata bo thoma.

⁹⁹ Eupsa ge feela Kriste a le fale, gomme Moya wo Mokgethwa o šegofatša batho bohole, ga re tshwenyege: mmala, thutotumelo, goba e ka ba eng e lego. Bohle re ka go mogobe o motee wo mogolo bogolo wa ditšegofatšo tša Modimo, go no kopanela ka tlase ga Madi a Jesu Kriste, gomme ga re e lemoge.

¹⁰⁰ Eupsa ge re thoma go leka go nagana, “Le a tseba, kerekeleina ya ka e kaonana gannyane go feta ya bona, ye kgolwane gannyane go feta ya bona. Re na le maloko a mantši,” moo ke ge bothata bo dula ka gare.

¹⁰¹ Kafao ba thoma go hwetša seo, gomme mathata a tsogile ge ba lebetše ka ga Gagwe a le fale. Bontši kudu go bolela ka Yena,

gomme go se Mo lemoge go beng le bona. Ke duma ge nkabe ke na le tsela ye nngwe go kokotela seo fase. Lebelelang, ba be ba bolela ka Yena, eupša ba be ba lebetše gore O be a robetše ka go sona sekepe se ba bego ba le ka go sona.

¹⁰² Gomme lehono, seo ke se se diregilego go dikereke. Re bolela ka Yena. Re na le bohlale bjo bontši kudu, go fihla banna ba hlahlilwe go Lengwalo, go fihla ba kgona go tliša molaetša wo o tla... O ka se kgone go bea monwana godimo ga wona. Eupša Modimo o kae? Seo ke se ke nyakago go se tseba. Ponagalo yeo e kae? Le a bona? Dithero tša bohlale!

¹⁰³ Beibele e rile, “Feela pele ga tshenyego ya pele ga meetsefula,” gomme Jesu o rile, “go tla ba bjalo ka go Tleng ga Morwa wa motho, bjalo ka ge go bile bjalo ka matšatšing a Noage.” Go be go le ditšitsiripa ka lefaseng. Ba be ba le ditšitsiripa, banna ba leemo le legolo.

¹⁰⁴ Gomme lehono go na le ditšitsiripa tše bohlale. Go na le banna ba ba lego, oo, banna ba bagolo, banna ba maatla ba bagolo. Ba tseba Segerike feela boka ba tseba Sehebere, le se sengwe le se sengwe, gomme ba kgona go e bea mmogo ka bohlale kudu. Eupša tsošeletšo yela—yela e kae? O kae Modimo yola a tukago pelong ya motho? E sego ka fao e lego bohlale; go tšea bonolo, go tliša maatla a Modimo.

¹⁰⁵ Nako yeo ba hwetša, go swana le ge re na le lehono, bothata bjoo bo tsene ka gare. Sekepe se thoma go šikinyega, gomme diphefo di foketše diseila kgole, gomme meetse a tletše sekepe. Eng? Dikhholofelo tšohle di be di ile, dikhholofelo tšohle tša go phela.

¹⁰⁶ Bjale, ge o kile wa ba ka Galelia, tšona dilo tša go swana di a direga lehono. Godimo ka lehlakoreng la bodikela, go na le—go na le dithaba. Monga ka go yona, ka mokgwa *woo*, ka mokgwa wo mongwe o ripegile go tloga. Gomme, lehono, batheadihlapi go dikologa leši fale ba tla le botša gore ga go tshepiše go ya go kgabaganya lewatle fale, ka gore wona madimo a tla godimo ntle le go tseba, gomme a no swiela tlase. Gomme meetse ale, meetse a go tshwenyega, a no bilokana go dikologa le go dikologa, gomme a nweletša batheadihlapi le bjale lehono.

¹⁰⁷ Gomme ka pelapela se sengwe se diregile. Bothata bja tsoga. Diseila di ile fase, gomme phefo ya di tšutlela kgole. Gomme mahuduo a thoma go palelwa, le go phatloga le go thubega, ge batheadihlapi bale ba magetla a digobagoba ba letše o ona, ba tseba ba lebane le maphotho ale bjang. Gomme—gomme ka pelapela seketswana se tletše ka meetse. Eupša a ga go makatše gore banna, ba feela diiri di se kae tša go feta, amene, ba Mmone a dira dilo tše bjalo, gomme ba lebetše tšohle ka yona?

¹⁰⁸ Modimo Yo a tsošitše bahu, Modimo Yo a fodišitše go balwetši, Modimo Yo a tlatšago ka Moya wo Mokgethwa, yo re mmonego a dira, bjale o a swana lehono. O thwi mo ka sekepeng.

O mo le rena. “Bonang, Ke na le lena ka mehla. Ge eba ka mathateng, goba ge a sesa go thelela, Ke sa le ka sekepeng.” Le a bona?

¹⁰⁹ Ba be ba lebetše ka ga yona. Gomme ba naganne go phonyokga gohle go be go ile. Ba naganne ba...Ba Mmone a dira dilo tše dintši kudu, eupša bjale ba be ba lebetše O be a le ka sekepeng. Tšohle di lebetšwe, mo nakong ya bothata, feela boka go le bjale.

¹¹⁰ Bjale, go no swana le lehono, re a hwetša, ba hweditše mathata ao bokgoni bja bona bo ka se kgonego go bo lokiša. Le a bona? E be e le ka godimo ga bokgoni bja bona go e lokiša. Ba be ba tla leka go bea diseila godimo, gomme diphefo tša di tšutlela kgole. Ba lekile go bea mahuduong, go ntšetša meetse ka ntle ga sekepe, go itia maphotho feela gabotse. Bjalo ka ge lena banna ba seketswana le tseba ka fao le swanetšego go dira, gomme e sego go ya thwi bokagodimo ga lephoto, le tla nweletša sekepe. O swanetše go se kgorometša, go namela lephoto ge o eya go kgabola. Gomme bona batheadihlapi, le bohle ba bilego le bona, ba ne kgahlego kudu go phela, go fihla ba lebetše gore Mohlodi o be a le ka sekepeng. Gomme bokgoni bjhohle bja bona bo šitilwe.

¹¹¹ Ke bona bokgaetšedi ba babedi ba dutše mo bosegong bjo ka ditulong tša mibili. Le a bona, ntle le pelaelo eupša bona basadi ba lekile se sengwe le se sengwe ka lefaseng go fola. Go ka no ba batho fa ka kankere, yo mongwe ka bothata bja pelo, gomme bokoni bja ngaka bo šomile se sengwe le se sengwe ba kgonnego, go le thuša. Eupša le bofelong. Bona, ga se gona se ka go dirwa. A re lebetše Ke mang a nago le rena?

¹¹² Ke mang yo, a sesago kgwekgwe ya bophelo ya go hlomphega, le rena? Ke mang a fago tshepišo? Yena ke Lentšu. Le a bona? Yona ga se ya ke ya tšewa go tloga go rena gabjale. Ke e nyaka bjalo, ka pelong ya ka, ge ba ka tsoge ba tšeа ye, ke na le Lona *mo*. Le a bona? Eupša Lentšu le sa na le rena. Yena ke Lentšu. Gomme di-di dilo tše ngaka e sa kgonego go di alafa, dilo tše kereke lefase e sa kgonego go di alafa, re na le Mohlodi wa dilo tšohle le rena.

¹¹³ Ke be ke bala lengwalo la go thetha leo le bego le beilwe ntle ke Mopentecostal yo mogolo yoo a dutšego lehlakore ka lehlakoreng le mopapa, e sego kgale kudu, ka go khansele ya mohlakanewa. Ke ngwadile fase, mengwaga ye masometharo tharo ya go feta, gore sona selo seo se tla direga. Bjale, o ka se tsoge wa kgona go phetlela a kgonthe, mapentecostal a semoya ka go selo seo. Ba tseba bokaone go feta seo. E kwagala botse gampe go sehlalefi, eupša monagano wa semoya o e swara ka pela gore yeo ke phošo. Ba a tseba gore seo ke phošo. Ba tseba se Modimo a se boletšego ka dilo tšeо. Gomme kafao, bona, ba ka se tsoge ba e swara.

¹¹⁴ Bjale, ba bangwe ba tla, moo Jesu a rilego meboya ye mebedi mo matšatšing a mafelelo e tla nyaka go fora bona Bakgethiwa ge go be go kgonega. Le a bona? Eupša Bakgethiwa ba tla tseba go fapano. Eupša re mo nakong ya bothata moo go sego modiredi lefaseng a ka kgonago go thibela dikerekemaina tša rena go tšoineng khansele ye ya mohlakanelwa. Ba šetše ba le ka go yona. Ga go kgathale ke dilo tše kae Modimo a di dirilego, O be a šegofaditšwe bjang magareng ga rena, ba ile thwi ka go ona, go le bjalo. O ka se kgone go e thibela. Seo e no ba sohle se lego go yona. Ba ya go e dira, bjale, mathata ao a ka se kgonego go lokišwa ke kereke. Ka gona, ka pela ge re hwetša gore . . .

¹¹⁵ O ya go ngaka, o tla re, “Gabotse, ke maswabi go go botša, eupša o—o na le kankere.” Gabotse, ka pela, yeo ke phetho. “O—o—o hwile. Seo e no ba sohle se lego go yona. Goba, o, ba ile.” Dingaka di re, “Gabotse, seo ke bogole. O ka se kgone . . . Seo ke leukemia.” Gabotse, thwi ka pela, “Ba no ba gabotse bjalo ka ba ba hwilego, thwi nako yeo.” Le a bona? Poifo e a tsena, le a bona, eupša ga ya swanelo.

¹¹⁶ Ke mang Yo a dirilego tshepišo? Re phelela eng? Gobaneng re le Kereke ya Modimo yo a phelago? Gobaneng re tladitšwe ka Moya wo Mokgethwā? Go elelwa ka nakong ya bothata, O sa le mo. O tsepamiša dilo. O a swana maabane, lehono, le go ya go ile. O na le rena feela go swana. A ka no ba a khutšitše dinakwana di se kae magareng ga dikopano, eupša O sa le fa feela go swana. Ya. Gomme ge bothata bo tsena ka gare, le tumelo ya Gagwe go beng le rena . . . Gona poifo e a tsena. Gomme ge poifo e tsena, gona ka kgonthe re ne bothata.

¹¹⁷ Re na le seo ka kerekeng, setšhabeng, kae kapa kae. Ditšhaba tšohle di tšhogile go iša lehung. Go na le sephatšamaru felotsoko, gomme go na le pomo ya athomo. Gomme re a tseba gore saense e godisitše dilo tša mekheniki, go fihla fao, ka nakwana efe kapa efe, ntle le tshebotšo, lefase ka moka le ka kgona go ba diripana. Gomme lefase le tšhogile.

¹¹⁸ Ga ke boife ka lefase le eya go ba diripana. Go ya go ba pušo ya mengwaga ye sekete ya Mileniamo, morago ga ge se se fedile. Modimo a ka se fenyē morero wa Gagwe mong. Selo se nnoši ke se rapelago, “Morena, a ke lokile go ya, ge A etla?” Yeo ke—yeo ke poifo e nnoši ke nago nayo. “A ke Go kgahlide, Morena?” Le a bona?

¹¹⁹ Se boife se motho a se dirago. Boifa Modimo. O rile, “Se boife yena yo a kgonago go senya mmele. Eupša A ka kgona go senya bobedi mmele le soulo ka heleng.” Le a bona? Yeo ke nnete.

¹²⁰ Bjale, dingangišano le go ya pele, ge bothata bo tsena ka gare, poifo. Gomme re bonala go ba bontši ka moka go swana lehono. Eupša, elelwang, O sa na le rena.

¹²¹ Bjale, ka go Mokgethwā Johane, tema ya 1, le se e lebale, “Mathomong go be go le Lentšu, gomme Lentšu le be le le le

Modimo, gomme Lentšu le be le le Modimo. Gomme Lentšu la dirwa nama gomme la dula magareng ga rena.” Bahebere 13:8 e rile, “O a swana maabane, lehono, le go ya go ile.” Gomme Puku ye ke kutollo ya Jesu Kriste, tsela yohle go tloga go Genesi go ya go Puku ya mafelelo, ya Kutollo. Ke kutollo ya Jesu Kriste. Baprofeta le dilo tšela tšohle ba be ba bontšapele Kriste. Gomme se sengwe le se sengwe ka Pukung ke Jesu Kriste.

¹²² Kafao, elelwang, O sa na le rena. Se sengwe le se sengwe, go lokiša taba ye nngwe le ye nngwe diabolo a ka kgonago go e thoma, e thwi *mo*. Re na le yona, thwi *mo*. Bothata; eupša Mong o ka sekepeng. Go lokile. Ge ba tsena bothateng, moo dingaka di sa kgonego go alafa, elelwang, O *mo*. Ge re . . . Le se lebale. O ka sekepeng.

¹²³ Ba ka be ba tsebile, barutiwa ba, gore O be a le Mesia. Gomme lentšu *Mesia* le ra “Yena motlotšwa.” Le a bona? Gona ge . . . O bile le Modimo ka moka ka go Yena. Modimo o be a le ka go Yena. O rile, “Ke . . .” Jesu, Morwa, o rile, “Ga Ke dire selo ka go Nnamong eupša se Ke bonago Tate a se dira. Tate o dula ka go Nna.” Le a bona? Bjale ge . . . O be a le Mesia, ka seo, ka tlotšo yela, o Mo dirile Mesia ka botlalo. Gomme rena, ka Moya wo o swanago o bego o le godimo ga Gagwe; e sego ka karolo, eupša boleng bjo bo swanago; ka karolo godimo ga rena, e tla re dira boka bomesiana, re tla ba barwa ba bannyane ba Modimo, barwa ba ba filwego ba Modimo. Gomme Moya wo Mokgethwa wa Gagwe o re tswaleletše ka mmeleng wa Gagwe, gomme re bana ba Gagwe.

¹²⁴ Ga gwa swanelo go re tshwenya, ga go selo se re tshwenyago. Ke rena—ke rena ba Gagwe. Ge go se bjalo, gabotse, re baphari ba maaka, re—re be re paka ka se sengwe seo ebile se sego bjalo. Ke a e dumela. Ke a dumela gore bjale re barwa ba Modimo, e sego re tla ba; bjale, thwi bjale. “Gomme bjale re dutše mmogo ka mafelong a Magodimong ka go Kriste Jesu.” Amene.

¹²⁵ Ga re na le maatla a a itšego, eupša re na le maatlataolo. Ga go tšee maatla. Yo mongwe o rile, “O na le maatla a a itšego?” Aowa, eupša ke na le maatlataolo. Yeo ke nnete.

¹²⁶ O tsea lephodisa le lennyane le eme ntle fa. O apara yunifomo. Kefa ya gagwe ke ye kgolo kudu go yena, e dula fase godimo ga ditsebe tša gagwe. Ga a ne maatla go emiša selo. Eupša mo leseng a sepele ntle fa, gomme koloi e etla go theoga mokgotha, ka entšene ya maatla a mararo a pere, gomme a nke a phagamiše seatla sela. Šetšang dipriki di thelela. Gobaneng? Ga a ne maatla, eupša o ne maatlataolo.

¹²⁷ Gomme ge monna goba mosadi a tloditšwe ka kolobetšo ya Moya wo Mokgethwa, a ka no se kgone go bala leina la gagwe ka mengwalo ya bogolo bja lepokisi la koloi, ka thuto, eupša o—o—o na le maatlataolo go tšwa go Modimo, gore ke morwa wa Modimo. A nke a tšee maatlataolo a gagwe, gomme a eme

gomme a re, “Ema,” gomme mabili a Sathane a tla thedimoga, gomme dipriki di tla dira. Se sengwe se tla direga, gobane o filwe maatlataolo ke Moya wo Mokgethwa. “Leineng la Ka ba tla lelekela bodiabolo ntle.” Yeo ke yona. Nnete. Ga a swanela go ba—ba le DD.D, goba Ph.D. O swanetše go tseba Jesu, le go tseba se a se filwego. Sole o eme. Ee, mohlomphegi.

¹²⁸ Ba ka be ba tsebile, ka go šetša se Monna yo a se dirilego, le go Mmolela go ba se A bego a le sona, Mesia. Ka gona, O tsebile dilo tšohle, gomme O tsebile bothata bjo bo be bo etla. O tsebile dilo tšohle. Nnete. “Tate ga a dire selo ntle le ge A bontšha Morwa.” Le a bona? Kafao O—O tsebile dilo tšohle. Ba ka be ba tsebile gore O kwešišitše gore ledimo le be le etla, go lokile, gomme o tsebile e tla direga. E be e filwe feela bjalo ka moleko wa tumelo ya bona.

¹²⁹ Gomme mohlomongwe mathata a a dirilwe feela, mohlomongwe tsošeletšo e hlephišitše, go bona se re tla se dirago ka yona. Mohlomongwe bolwetši bo go rathile. “Taba ye, e sego sebe sa yo mongwe, eupša gore mediro ya Modimo e ke e dirwe go tsebjia.” Re tseba bjang ka dilo tše, di diregilego? Ga go selo se diregago, gomme feela ka setlwaedi, e sego ntle le Modimo go e tseba. O a e tseba. O e tsebile, mo mathomong. Gomme dilo tše di a direga gobane ke moleko wa tumelo.

¹³⁰ Petro o rile, “Le se nagane go tlabia ge meleko e etla godimo ga lena, meleko ya go fiša. E kaone go lena go phala gauta. E dirilwe go le netefatša.” Oo, mollo wola wa go hlwekiša, gore o tla tšwela ntle phesente tše lekgolo, togotogo yohle e tologetše ntle, gosedumele gohle, boitemogelo gona, bjo o bo tsebago! Se bana ba Bahebere ba ka kgonago go paka, morago ga ge ba ile go kgabola mollo, “Modimo ke Mophološi, go tšwa mollong.” Ba e tsebile.

Daniele o tsebile, ka morago ga boitemogelo bja legolo la ditau.

¹³¹ Latsaro o tsebile, ka morago ga lebitla, gore O be a le tsogo. Amene.

¹³² Ka morago ga ge o ile go kgabola diteko tše le meleko, ke tša letago go wena. Gona, se se dirilwe go leka tumelo ya bona. Mohlomongwe e ka no ba, bošegong bjo, gore ba bangwe mo ba na le bolwetši, gomme ke moleko wa tumelo, go bona se o tla se dirago ka yona.

¹³³ O be a netefaditše go bona O be a le Mang. O netefaditše O be a le Mang. Bjang? Ka Mantšu ao A a rerilego, le ka mediro yeo e latetšego Mantšu. Le a bona? Bohlatse! Modimo o Mo hlatseditše. Ka gore O rile go bona, “Ge . . .” O rile, “Ge Ke sa dire mediro ya Modimo, gona le se Ntumele. Ge se Modimo a rilego Ke tla se dira, ge Ke sa di dire, gona Nkahloleng, ge Ke sa dire. Ge Ke se Mesia . . .” Gomme, O—O tla bolela seo. “Ge Ke se Mesia, ge . . . O ka se kgone go Ntumela bjalo ka Motho, go beng Mesia, gobane

ga se nke Ka tla ka dikolo tša lena, gomme ga le na le lefelo mo Ke ilego ka rutwa, goba mo Ke ilego go kgabola dikolo tša lena tša thutabomodimo. Gomme ge le sa kgone go dumela gore Ke nna Mesia, gabotse, dumelang mediro. E paka ka se Ke lego sona.”

¹³⁴ Oo, a go ka se makatše, bošegong bjo, ge kereke e ka no dula go seo, gore Beibele e boletše se Mokriste a tla se dirago le se a tla bago. Oo, nna! Ke nagana bjang ka seo!

¹³⁵ Jesu o rile go bona, “Phetlang Mangwalo, ka gore ka go Wona le nagana gore le na le Bophelo bjo Bosafelego. Gomme ke Wona a pakago ka Nna. A le botša se Ke lego sona.” Oo!

¹³⁶ Ga ka swanela go re ke nna Momethodist, Mobaptist, Mopresbyterian, goba eng kapa eng. Bophelo bjo o bo phelago, ma—ma Mantšu a Modimo, ge o le karolo ya Lentšu lela le phelago, o ka kgona bjang go gana se o lego sona? Gomme Lentšu le ka kgona bjang go tlogela go tiisetša se o lego sona, ge o le? Le a bona?

¹³⁷ Nku e ka kgona bjang—nku e ka kgona bjang go kgopelwa go bopa boy? E ka se kgone go bopa boy. Ge feela e le nku, e tla tšweletša boy ka baka la gore ke nku.

¹³⁸ Gomme monna ga a swanela go šoma selo, ge e le Mokriste. Ke yena ka gobane ke yena. Yena, seo ke se a dirilwego ka sona. Yena ke Mokriste, ka tlhago.

¹³⁹ Mohlare wa moapola ke mohlare wa moapola ka baka la gore ke mohlare wa moapola. Le a bona? Mohlare wa moperekisi ke mohlare wa moperekisi ka gore ke mohlare wa moperekisi.

¹⁴⁰ Gomme Mokriste ke Mokriste gobane Kriste o phela ka go motho yoo. Gomme go dira... *Mokriste* go ra “boka Kriste,” e sego boleloko; eupša, bohlatse, Modimo o tšweletša ka wena feela se Mokriste a lego. Ke wena o tšwela ka ntle ga tsela le go dumelala Modimo go tsena ka gare, ga o tsee dikgopololo. A nke monagano wo o bego o le ka go Kriste o be ka go lena. Ke lena bao. Yoo ke Mokriste wa kgonthe. Oo, nna!

“Phetlang Mangwalo,” O boletše. “Ke Wona a pakago ka Nna.”

¹⁴¹ Ba be ba swanetše go tseba gore O be a le Modimo yo a hlotšego diphefo le maphotho. Le a bona? Modimo o hlotše phefo. Ee. Woo ke moy. Modimo o hlotše meetse. Ee. Yeo ke H₂O. Yena, O hlotše seo. Eupša, le a bona, se e lego, diabolo o tsene ka go phefo yela, gomme ka gona diabolo o tla go se sengwe gape, a tsene ka go sona, gomme seo se hlotše ledimo.

¹⁴² Gomme ke ka tsela ye go lego ka badumedi dinako tše dingwe. Ba hlephišitše dithapo, go gosedumele, gomme ka gona Sathane o tla ka gare ka sesaesedi, le a bona, go hlola dikgogakgogano, le dikgogakgogano, le dingangišano, le se sengwe le se sengwe. Yoo ke diabolo a tsena magareng ga batho.

¹⁴³ Diabolo o tsena magareng ga mo—mo moyā gomme a o fehla, a hlola lehu; a tsena magareng ga meetse, a o fehla. Le a bona? Modimo o a hlotše, eupša ba dumelatše diabolo go tsena ka gare. Diabolo o tsene ka go ona, “mokgoma wa maatla a sebakabakeng.” Elang hloko, o tsene ka go ona, gomme fao gwa tla diphefo le maphotho.

¹⁴⁴ Bjale, barutiwa bale ba be ba swanetše go ba ba rile, “Gobaneng, ga go selo sa phošo bjale. Gobaneng, fale go robetše Mohlodi, a robetše thwi fa. O sesa le rena. Le a bona? Gobaneng, nno lebelelang dilo tše A di dirilego. Gabotse, re tshwenyegelang ka maphotho.”

¹⁴⁵ Oo, ge re ka kgona go ikwela ka mokgwa woo ka yona, e tla ba phapano ye kae. Ee.

¹⁴⁶ Modimo, Mohlodi wa magodimo le—le lefase, Modimo Mohlodi wa diphefo le maphotho, a a be a ka se swanele go obamela Lentšu la Gagwe? Šelo se nnoši A ilego a swanelo go se dira e bile go e bolela. Le a bona? Yena ke Lentšu, eupša Modimo o ile a swanelo go šomiša motho go phethagatša, goba go pealatša ditholanakgopololo tša Gagwe.

¹⁴⁷ Modimo, mathomong, e be e no ba Modimo. O be ebile a se Modimo; *Modimo* ke “selo sa go rapelwa.” O be a le maatla a magolo, Modimo. Morago O hlotše Barongwa, gomme Barongwa ba Mo rapela, kafao O be a le Modimo. Morago O hlotše motho.

¹⁴⁸ Bjale, Yena ke Mopholoshi. Kafao, ga go selo se se lahlegilego; selo se sengwe se be se swanetše go lahlega, gore A pealatše kgopolo ya Gagwe bjalo ka Mopholoshi. O dumela seo?

¹⁴⁹ O be a le Mofodiši. Kafao, ga go selo sa go babja; ka fao go ile gwa swanelwa ke go ba selo se sengwe se se babjago, go pealatša kgopolo ya Gagwe, go laetša gore O be a le.

¹⁵⁰ O be a le Tate, le a bona, gomme se sengwe se be se swanetše go ba. O be a swanetše go ba le Morwa, go Mo dira Tate. Le a bona?

¹⁵¹ Gomme ka moka dilo tše di pealatša megopolo ya Gagwe, fao ga go selo se lego ka ntlo ga mothalo. Le a bona? Go na le... Modimo o dira lebili le lengwe le le lengwe le kgomaretše feela gabotse tlwa. Se sengwe le se sengwe se lokile. Mohlodi, haleluya, Mohlodi o ka sekepeng se re sesago ka go sona.

¹⁵² “Le ge diboko tša letlalo di senya mmele wo, efela ka nameng ya ka ke tla bona Modimo, Yo ke tla mmonago nnamong,” go boletše Jobo. Yeo ke nnete. Dafida o rile, “Ya, le ge nka sepela go kgabola moedi wa moriti wa lehu, nka se boife bobo, ka gore Wena o na le nna. Le ge nka dira bolao bja ka ka heleng, O fale. Le ge nka tše diphego tša moso gomme ka fofa, O fale.” A sesa godimo ga kgwekgwe ya bophelo ya go hlomphega!

Gomme maphelo a banna ba bagolo ohle a a re
gopotša
Re ka dira maphelo a rena makgethe,
Ka go aroganeng, go re šiela morago
Dikgato (ka mokgwa *wo*) mo lešabašabeng la
nako;
Dikgato, tšeо mohlomongwe yo mongwe,
Ge o sesa bokagodimo ga bjo bogolo bja
bophelo bja bodumedi,
Ngwanešu wa go hlomolapelo le go
hlekgemana ga sekepe,
Ka go bona, o tla beta pelo gape.

“Ge Modimo a diretše ngwanešu yola sela, O tla ntirela sona.”

A re beng godimo le go dira nako yeo,
Ka pelo go phapano e ka ba efe; (Seo ke se ke
tla . . .)
Le se be bjalo ka tša semuma, dikgomo tša go
otlelwa! (O swanetše go gapelwa ka gare ga e
ka ba eng.)
A re dumeleng, go ba mogale ka go phapano!

¹⁵³ *Pesaleme Ya Bophelo*, sereto sa Longfellow, *Pesaleme Ya Bophelo*. Ke a e rata. Se bolela se sengwe. Se bonagatša se sengwe. Se na le se sengwe sa kgonthe ka go sona, ditlhalošo tsoko. Ke rata se sengwe seo se nago le mmala ka go sona, se ne tlhalošo. Mmino, sereto, eng kapa eng e ka bago yona, ke a e rata ge e le nnete.

¹⁵⁴ Bjale, ba be ba swanetše go be ba tsebile O be a tla swanela, se sengwe le se sengwe se be se swanetše go Mo obamela. Re swanetše go tseba selo sa go swana. Mebele ya rena e tla swanela go obamela Lentšu la Gagwe. “Ke nna Morena yo a fodišago malwetši a lena ohle.” A leo ke Lentšu? Gabotse, mmele wo o swanetše go obamela seo.

¹⁵⁵ Sohle ke swanetše go se dira ke go gatelela konopi. Amene. Nako ye nngwe konopi e matolong, le a tseba. Eupša, ke a le botša, yeo e romelago lephoto go kgabola.

¹⁵⁶ Eupša seo ke sohle o se dirago ke go e dumela. Modimo o e tshepišitše. Gomme ge ona maphotho a ile a swanela go Mo obamela, kafao se se swanetše go Mo obamela. Bontši, mo A tshepišitše go, ka morago ga ge re senyegile, “Ke tla mo tsošetša godimo gape, ka letšatši la mafelelo.”

¹⁵⁷ Ke be ke kama meriri ye mebedi ye goba ye meraro ye ke nago le yona, mo e sego kgale kudu. Gomme mosadimogatša wa ka o rile go nna, a dutšego morago kua, o rile, “Billy, o ba le hlogo ya lefatla.”

¹⁵⁸ Ke rile, “Eupša, o a tseba, hani, ga se ka lahlegelwa ke o tee wa yona.”

O rile, “Eng? Ga se wa lahlegelwa ke o tee wa yona?”

Ke rile, “Aowa.”

O rile, “Ke a rapela mpotše moo e lego.”

¹⁵⁹ Ke rile, “Gona ke nyaka go go botšiša se sengwe. O mpotša moo e bego e le pele ke e amogela. Ke kgonthe. Gomme e ka ba kae e bilego pele ke e hwetša, e fale e ntetetše go tla go yona.” Nnete.

¹⁶⁰ O rile, “Ga go moriri o tee wa hlago ya gago o tla senyegago.” Ga se gona se tla senyegago. A le a tseba le . . .

¹⁶¹ Selo sa go senya kudukudu re nago naso ke mollo. Eupša mollo ga o fedišemoka. O tšuma feela diesiti le dioksitšene go fihla e retologela thwi ka go otlogola morago go se e bego e le sona pele. Modimo ga a fediše selo. O ka se kgone go fedišamoka ka go felela eng kapa eng. Haleluya! Therešo. O ka se kgone go fedišamoka selo. E tla fetogela morago go setlogo sa yona.

¹⁶² Ke hlahlela dišele ka seatla. Ke thunya Swift .220, gomme ke e beile dikgato tše dikete tlhano ka motsotswana molongwaneng. Gomme ka gona o bea feela seripa sa thoro ya lerole bontši ka go yona, gomme o thunya kgahlanong le leboto fao, ga o bone selo. E ka se dire patso. Tšohle o di kwago ke lešata. Go direga eng? Ge kolo yela e tlogela molongwana ka lebelo bjalo ka koporo le tshipi yela, go fihla e boela morago go diesiti tša yona tša tlhago, pele e eba, mengwaga ye milione tše lekgolo ya go feta, mohlomongwe. Eupša ge lefase le ka ema botelele bjoo bjhople, e ka no tla morago gape go kolo, gape. Le a bona, e, ga go selo se fedišwagomoka. E boela morago. Oo, a selo sa go makatša!

¹⁶³ Ke le swareletše botelele kudu. Go lokile. Ke tla tswalela, feela nakwana. Le a bona?

¹⁶⁴ Bjale, Modimo o rile, “Ke tla e tsoša gape mo matšatšing a mafelelo.” Go makatša bjang!

¹⁶⁵ Ba ka be ba tsebile se. Ba ka be ba tsebile O tla dira diphefo le maphotho a Mo obamela, ka morago ga ge barutiwa ba Gagwe ba ikhweditše bonabeng mo bofelong bja maatla a bona.

¹⁶⁶ O Modimo, a re direng selo sa go swana, bošegong bjo, re hwetše matsapa a ren a setho mo bofelong.

¹⁶⁷ Ge ba ikhweditše bonabeng, e swanetše go be e ile ya tšwelela go bona gore Mohlodi o be a na le bona; ka morago ga ngaka ya bona—ya bona e paletšwe, ka morago ga kamogelo ya saekolotši ya bona ya Kriste e paletšwe, ka morago ga ge dingaka di paletšwe, le se sengwe le se sengwe.

¹⁶⁸ E nong go elelwa Mohlodi o na le ren a. Le a bona? O fa, Yena Yo a tshepišitše dilo tše. Bahebere 13:8.

Ka gona gwa tla kgopolu, “A re yeng, re tsoša Jesu.”

¹⁶⁹ Woo ke mosepelo wa go latela. Seo ke selo sa rena. A re yeng, re Mmiletšeng lefelongtiragalo. O tshepišitše go ba le rena. A Yena ga se a ke? “Bonang, Ke na le lena ka mehla, eibile go fihla bofelong bja lefase.” “Jesu Kriste wa go swana maabane, lehono, le go ya go ile.” Eyang, tsošang Jesu, gobane O ne rena, boka A bile nako yela.

¹⁷⁰ Ba be ba bone Lentšu la Modimo la Lengwalo le tsebagatšwa, gore yoo e be e le Mesia. Ba e tsebile. Le a bona? Re bile bjalo. Re bone selo sa go swana, seo se tlago ka Letšatši la Pentecost, se etla thwi godimo ga rena; taelotšhomiso ya go swana, selo sa go swana se a direga. Re bone Jesu a eme thwi magareng ga rena, a šoma ka batho, le go fodiša balwetši, le go tsoša bahu, gomme a bula mahlo a a foufaditswego, le go dira mediro ya go swana ye A e dirilego nako yela, go no swana le ge A tshepišitše. Kafao ga gwa swanelo go tshwenyega e ka ba gofe ka yona. Le a bona? Bjale, ga ra swanelo go nagana ka yona.

¹⁷¹ Mosadi o kile a re go nna. Ge ke rera, ke diregile go nagana ka se. Go bile le mohumagadi o rile go nna, o rile, “Ngwanešu Branham.” Ke boletše se, makga a mantši, eupša e ka no kgotlelela go bolela gape. O rile, “Go no ba selo se tee ke se hwetsago phošo ka theroy gago.”

¹⁷² Ke rile, “Oo, nna, ke a go leboga, o a bona, ‘feela selo se tee’” ke rile, “ka kgontha ke a go leboga.”

¹⁷³ O be a le wa kereke ye e bego e sa dumele gore Jesu o be a le Modimo. O be a sa dumele gore O be a le kagodimogatlhago. Ga se ba ke. O be a sa dumele gore—gore O be a le se A bego a le sona, Mesia. O rile, “O be a le Moprefeta. O be a le Monna wa go loka, eupša O be a ka se kgone go ba Morwa wa Modimo. Gobane, Modimo o be a ka se kgone go ba le Morwa. Modimo ke Moya.” Le a bona? O šitilwe go kwešiša gore Modimo o apešitše Maria ka moriti, seo se tlišitše tswalo ya kgarebe. Le a bona? Gomme o rile go nna, “O Mo dira yo Mokgethwa, Mna. Branham.”

Ke rile, “Yena ke Mokgethwa.”

¹⁷⁴ O rile, “Gobaneng,” o rile, “gobaneng, A ka se be Mokgethwa.” O rile, “O rile o dumela Beibele.”

Ke rile, “Ke a dira.”

¹⁷⁵ O rile, “Ge nka go netefaletša, ka Beibele ya gago mong, gore A ka se be Mokgethwa, gore O be a no ba Motho feela, Monna wa go loka.” Gomme bona, gabotse, ge go na le yo mongwe wa bona ka fa, ga ke nyake go gobatša maikutlo a lena. Gobane, Kriste o hwile... E be e le Saense ya Bokriste, le a bona. Gomme o rile, “Bjale, diphodišo tša gago le dilo,” o rile, “ke—ke dumela go tše, nthathana ye nngwe le ye nngwe, eupša,” o rile, “o dira Jesu go ba yo Mokgethwa.”

¹⁷⁶ “Gobaneng,” ke rile, “E ba gore ke yo Mokgethwa goba mofori yo mogologolo kudu lefase le kilego la ba le yena.” Le a bona? Ke rile, “O be a le Modimo goba O be a se selo.” Le a bona?

¹⁷⁷ Gomme o rile, “Oo, nna, Mna. Branham!” O rile, “A ka se be Mokgethwa.”

Ke rile, “Gabotse, mphe Lengwalo la gago.”

¹⁷⁸ O rile, “Ge A ile tlase lebitleng la Latsaro, ka go Mokgethwa Johane tema ya 11,” o rile, “Beibele e rile O ile tlase kua lebitleng la Latsaro.”

Ke rile, “Ee, meme. Ke tseba mo o balago.”

¹⁷⁹ O rile, “Ka gona Beibele e rile, ‘Tseleng ya Gagwe go theogela kua, gore O llile.’”

Ke rile, “Yeo ke nnete.”

O rile, “Gabotse, A ka kgona bjang go ba yo Mokgethwa, gomme morago a lla?”

¹⁸⁰ Ke rile, “Gabotse, o šitwa go bona se A bego a le sona. O be a le bobedi Motho le Modimo.” Le a bona? Ke rile, “O be a le Motho ge A be a lla. Yeo ke nnete. Eupša ge A eme kgauswi le lebitla la monna yola a bego a hwile, matšatši a mane, gomme o rile, ‘Latsaro, etla pele.’ gomme monna yo a bego a hwile, matšatši a mane, o tsogetše bophelong gomme a tšwa ka lebitleng, yoo e be e le go feta motho.” Thwi.

¹⁸¹ Ke rile, “Ka therešo, O be a le Motho ge A etla tlase go tšwa thabeng bošegong bjola, a swerwe ke tlala, gomme a lebelela gohle godimo ga mo—mo mohlare wa mogo, go hwetša se sengwe go ja. O be a le Motho ge A be a swerwe ke tlala. Eupša ge A tšere dipisikiti tše tlhano le dihlapi tše pedi, gomme a fepa batho ba dikete tše tlhano, yoo e be e le go feta motho.” Nnete. Ke therešo.

¹⁸² Gomme ke rile, “O be a le motho ge A be a robetše ka morago ga sekepe sela, a lapile, moo maphotho ebile a sego godimo . . . ebile a sego a Mo phafoša, go bonala go Mo phafoša. O be a le Motho. Ntle le pelaelo gore bodiabolo ba dikete tše lesome ba lewatle ba ikanne ba tla Mo nweletša bošegong bjoo. Le a bona? Bjale, O be a le Motho a robetše fale, a lapile. Eupša ge gatee a bileditše go lefelotiragalo, amene, O beile leoto la Gagwe godimo ga lepale la sekepe, o lebeletše godimo gomme o rile, ‘Khutšo,’ o lebeletše fase go maphotho gomme o rile, ‘Homola,’ gomme diphefo le maphotho tša Mo obametše. Amene. Yoo e be e le go feta motho.” Ee, mohlomphegi.

¹⁸³ O be a le Motho sefapanong, ge A goeletša bakeng sa seno sa meetse. O be a le motho a goeleta, “Ke a nyorwa.” Eupša ka moso wa Paseka, ge A kgaotše mahuto a lehu, hele, le lebitla, gomme a rotogela godimo, O be a feta Motho. Yoo e be e le Modimo ka go Motho. Yeo ke nnete.

¹⁸⁴ Gomme Yena yola wa go swana o phela ka go rena, bošegong bjo, bjalo ka Moya wa Moya wo Mokgethwa. Ee, mohlomphegi.

¹⁸⁵ Batho lehono ba re, “Nka kgona bjang go dumela gore O a swana maabane, lehono, le go ya go ile?” Elelwang, O tshepišitše, ka go Puku ya—ya Bahebere, gore, “O be a swana maabane, lehono, le go ya go ile.”

¹⁸⁶ O tshepišitše, gape, ka go pu—pu Puku ya Mokgethwa Johane, tema ya 14 ya Mokgethwa Johane, gomme temana ya 12, O rile, “Yo a dumelago go Nna, mediro ye Ke e dirago o tla e dira le yena. Dilo tše Ke di phelago, tše Tate a phelago ka go Nna, bjalo ka Nna ke le Morwa wa Modimo; bjalo ka ge Ke le bea, Moya wa Ka o tla ba ka go lena le go dira dilo tše go swana.” Nnete. Seo e no ba sa tlhago.

¹⁸⁷ Gape, O rile, “Bonang, Ke na le lena ka mehla, ebile go fihla bofelong bja lefase.” Mateo 28, 28:22, goba 28:20, ke yona. “Bonang, Nna le lena ka mehla, ebile go fihla bofelong bja lefase. Ke na le lena. Lebakana le lennyane,” O boletše gape, “gomme lefase ga le sa Mpona gape, efela lena le tla Mpona. Gobane Nna . . .” Nna ke lešalašala le lengwe. Le a bona? “Ke tla ba le lena, ebile ka go lena, go fihla bofelong bja lefase. Mediro ye Ke e dirago le tla e dira le lena.” Ke lena bao. Ke tlwa ka fao le tla e tsebago. Oo, gape, “Nka se tsoge ka le tlogela goba go le lahla.”

O re, “Seo se ka ba bjang? Se ka kgona go netefatšwa bjang?”

¹⁸⁸ Johane 14:12, le a bona, “Mediro ye Ke e dirago le tla e dira le lena.” Bjale O letile go biletšwa lefelongtiragalo. O letile iri ye thwi bjale, go netefatša tlwa se ke se boletšego ka Yena, go ba gabotse bjale. Ge e se yona, gona Ye e fošagetše gomme ke nna hlatse ya maaka. O loketše go biletšwa lefelongtiragalo thwi bjale, go dira dilo tše di swanago A di dirilego.

¹⁸⁹ Kafao ka sekepeng se re sesago ka go sona, a re tsošeng Jesu ka maphelong a rena. Theetšang. Ka mehla ke be ke bolela. Ge ke be ke eme mo sefaleng gomme ke le boditše gore moyo wa John Dillinger o be o dula ka go nna, gobaneng, ke tla ba le dithunya le go ba mohlokamolao. Nnete. Ge ke le boditše gore—gore—gore Shakespeare o phetše ka go nna, ke tla ba moreti. Ge Shakespeare a phetše ka go wena, gobaneng, wena, o tla tseba mokgwa wa go . . . O tla ba mohlami yo mogolo wa bareti. A yeo ke nnete? Kgonthé. O ka kgona. Direto, o ka hlama direto, gobane Shakespeare, mo—mo mongwadi yo mogolo, o tla ba ka go wena, gomme o tla ba Shakespeare. A yeo ke nnete? Ge Shakespeare a phetše ka go wena, a o be o ka se be Shakespeare? Nnete, o be o tla ba.

¹⁹⁰ Ge Beethoven a phetše ka go wena, a o ka se be mohlami wa dipina, mohlami yo mogolo, Beethoven? O re, “Beethoven o phela ka go nna.” Gona o tla dira mediro ya Beethoven. O tla ngwala mmino wa gagwe, ka nnete, ge o phetše ka go wena. Ka kgonthé o tla dira seo, ka gobane moyo wa gagwe o phetše ka go wena.

¹⁹¹ Ka gona, ge Kriste a phela ka go nna, ge Kriste a phela ka go nna, mediro ya Kriste e tla dirwa ka nna. Nnete. Ge Beethoven a phela ka go wena, mediro ya Beethoven e tla dirwa go tsebjja. Ge Kriste a phetše ka go wena, mediro ya Kriste e tla dirwa go tsebjja, gobane O a swana. “Go swana,” A ka se kgone go fetoga. Le elelwa se ke se boletšego? Ke Gosafelego. A ka se kgone go fetoga. O a swana maabane, lehono, le go ya go ile.

¹⁹² Oo, gona, Mmiletšeng lefelongtiragalo. A le a boifa? A banna ba iri ye, ke banna ba letšatši le, ba boifa go biletša Jesu lefelongtiragalo, go re, “Morena, O e tshepišitše. Bjale e dire”? Oo, nna.

[Kgaetšedi o tsopola Pesaleme 103: 1-9, 11—Mor.] Amene. Pesaleme.

¹⁹³ Yo mogolo ke Jehofa! Oo, yo maatla ke Jehofa! Neng le neng ke Jehofa. O tšwa gosafelego go ya gosafelego. Ke Modimo. Kgaogelo ya Gagwe e ema lebaka la meloko ye dikete, e godimo ga bona ba ba Mmoifago.

¹⁹⁴ A o boifa go tsoša Jesu yola ka bophelong bja gago, yo a bego a robetše lebakana? A boifa go tsoša selo sela seo, mengwaga e se mekae ya go feta, se theogetšego go wena le go go tlatša ka ditšhegofatšo tša Gagwe? A o boifa go Mo tsoša, le go re, “Morena Jesu, ke bothateng, bošegong bjo. Sepelela lefelongtiragalo bakeng sa ka. Ka go sesa mawatle, ke iteilwe ke bolwetši. Ke a tlaišega. Nthuše, O Morena Modimo. Nthuše”? A o boifa go Mmiletša lefelongtiragalo? Aowa.

¹⁹⁵ Ge o Mmiletša lefelongtiragalo, go swana le barutiwa bale, go kamaka gohle go tsea setulo sa yona, go dula fase. Tumelo e a tsoga. Dipelaelo ga di sa le gona. Tumelo e tšere lefelo.

Go ngwadilwe ka Beibeleng, gore, Bahebere 13:8, e rile, “Jesu Kriste o a swana maabane, lehono, le go ya go ile.” Go ngwadilwe, bjale a e dirwe.

¹⁹⁶ Go ngwadilwe ka go Mokgethwa Johane 14:12, bjalo ka ge ke sa tšo tsopola fa, “Yo a dumelago go Nna, mediro ye Ke e dirago o tla e dira le yena.” A yeo ke nnete? Eupša go ngwadilwe, bjale a e dirwe. Le a bona? Modimo o e tshepišitše. Modimo o boletše bjalo.

¹⁹⁷ Go ngwadilwe, Mateo 28:20, “Bonang, Ke na le lena ka mehla, ebole go fihla bofelong bja lefase.” Le a bona? “Lebakana le lennyane gomme lefase ga le sa Mpona gape, efela lena le tla Mpona; gobane Ke tla ba le lena, ebole le ka go lena, go fihla bofelong bja lebaka.” Seo se ngwadilwe, “Le tla Mpona.” Go ngwadilwe, bjale a e dirwe. O dumela seo?

¹⁹⁸ Ke le swareletše thari. Ke masometharo a senyane. Gomme ke a tseba ka kgonagalo le ile gae gomme le ile malaong ka nako ye. E nong go leta motsotso. Dilo tše, ke na le e ka ba tasene ya dinoutse tše ntši fao, eupša ga ke ye go ya go yona.

¹⁹⁹ Lebelelang. A dilo tše ke therešo? [Phuthego e re, "Amene."—Mor.] Ge e se therešo, gona re dira eng fa? Re tteleima eng, se sengwe, seo re bago baikaketsi? Re tteleima eng, go lefase, dilo tše—tše ebile di sego bjalo? Gobaneng, re hwetšwa dihlatse tša maaka, gomme ebile ga ra swanela go dumelwa go phela. "Gona ge go se tsogo ya bahu, gomme Kriste a se a tsoga go tšwa bahung, gona ejang, enwang, gomme le hlalale." Bohle le ya pele ntle le go phela boka dikošo ka moka, le dikolobe, le a bona, ge go se tsogo. Ge go se go tla ga Kriste, ge go le...ge—ge A se mo, gomme Mantšu a Gagwe ga se therešo, ge ntsekana e tee e fošagetše, gona nka se be le boitshepo ka go e ka ba efe ya Yona. Yohle e swanetše go ngwalwa, tšohle di swanetše go loka.

²⁰⁰ Ye ke iri, moo Jesu a rilego, "Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho." Lebelelang, lebelelang Sodoma, nakwana feela, ge re tswalela. Ka Sodoma, pele, lefase le ile la tšhungwa, lefase la Bantle le ile la tšhungwa. Bjale, nako ye, le ya go tšhungwa gape. Le a bona? Ga go sa na meetse; mollo, nako ye. "Bjalo ka ge go bile matšatšing a Sodoma." Bjale, lebelelang se—se seemo sa lefase lehono, go no swana le Sodoma, go no apara tsela ya go swana, se sengwe le se sengwe. Ke a le botša. Go a goboša. Gomme lebelelang lefase, le no pshikologa ka sebeng.

²⁰¹ Lebelelang, ebile, le tsene ka kerekeng. Gomme Mokriste wa fešene ya kgale, ga re ba bone, le gannyane, gape. Gomme basadi ba rena—ba rena, bohole ba ripa moriri wa bona, ba apara meikapo, ba apara dišothi, le—le se sengwe le se sengwe, feela ka boitshwarohlephi, gomme o sa tsebe gore o ya go botšišwa ka Letšatši leo go arabela bakeng sa bootswa. "Mang le mang a lebelelago mosadi go mo kganyoga o šetše a dirile bootswa le yena." O ka no ba o hliwekile, o le wa bokwala, ka mokgwa woo. Eupša ka tsela ye o dirilego, gomme badiradibe ba lebelela godimo ga gago, ka tsela ya go fošagala. O itšweleditše wenamong, gona o molato. O molato. Jesu o boletše bjalo. Lebelelang ebile le basadi ba rena ba Pentecostal.

²⁰² Gomme lebelelang badiredi ba rena, ba bantsi ba bona ba hlephišitše, ba boifa go bolela e ka ba eng kgahlanong le yona, ba boifa gore mokgatlo wa kerekeleina o tla ba bea ka ntle.

²⁰³ Bokaone ke robale ka mogodu wa ka, gomme ke nwe meetse a lekala gomme ke je magogo a soda, gomme ke rere Lentšu lela le go bolela Therešo, ee, mohlomphegi, go feta go ba wa se sengwe le se sengwe se lego gona. Ee, mohlomphegi.

²⁰⁴ Oo, re hloka botebo bja tlhokofalo. Re hloka se sengwe morago. Ga re hloke bomponeng bjo bontši kudu. Re hloka Moya wo Mokgethwa o phela magareng ga rena, go moo batho ba ka rego, "Ke mang a ka mpeago molato wa sebe?" Sebe ke gosendumele.

²⁰⁵ Ge Mangwalo a boletše gore Jesu o tla dira se sebjalo-lebjalo, O rile, “Ke mang wa lena a ka go Nkahlolago, goba a Mpea molato wa sebe?”

²⁰⁶ Bjale, go ne sebe se tee feela, seo ke gosedumele. Yeo ke, tumelo goba gosedumele. “Yo a sa dumele go o šetše a ahlotšwe.” O ka kgona go kgoga, wa nwa, gomme wa dira dilo tše ka baka la gore ga o dumele. Eupša ge o dumela, o tla dira ka mokgwa wo mongwe. Le a bona? Ke ka gobane e ka ba tumelo goba gosedumele go ka go wena.

²⁰⁷ Bjale, lebelelang. Dulang go iketla feela lebaka la motsotsso. Bjale, setatamente se segolo se setona sese. Ke lebeletše bokagodimo ga batheeletši ba, pele. Ke lebeletše go dikologa.

²⁰⁸ Gomme ke—ke—ke tseba motho yo motee yo nka kgonago go mmona ntle kua, yo ke—ke sa mo tsebego gore ke a mo tseba. Ke monna yo—yo ke emišitšego letšatsi le lengwe. Ke be ke sa tsebe. Pese e be e leka go retologela go la nngele, gomme batho ba retologa. Ke naganne, “Moisa yola o leka go ya tikologong, ya la nngele.” Ke eme, ka mo šupetša pele lefelong. Gomme go na le mootledi wa pese o dutše mo. Gomme yoo ke... gomme mo. Ke kopane le yena godimo ka restoranteng ya Furr lehono, goba cafeteria, gomme o mpoditše gore o be a le monna. O rile mosadimogatša wa gagwe o be a fodišitšwe ka go ye nngwe ya dikopano felotsoko ka bothata bja pshio, dipshio tša go phaphamala goba se sengwe, gomme a biletšwa ntle, ka kopanong. Le a bona? Ga se nke... Modimo ka Legodimong o a tseba ga se nke ka ke ka bona mosadi bophelong bja ka. Ga se ka ke ka mmona. Gomme monna šo. Ke a thanka, mosadimogatša wa gagwe, ke a dumela o mo felotsoko, o tla ba bopaki. Le a bona? Le dilo, go no ya pele le pele. Le a bona?

Gomme ga ke bone e ka ba mang yoo gabotse ke mo tsebago.

²⁰⁹ Eupša, elelwang, Modimo o tseba yo mongwe le yo mongwe wa lena. O tseba se se lego ka pelong ya gago. Gomme ge A le Lentšu... A le a dumela gore Yena ke Lentšu? Beibele e rile, “Lentšu la Modimo ke le maatla, le bogalegale go feta tšoša ya magale mabedi, mohlathi wa dikgopololo tša pelo.” A yeo ke nnete? Ke ka baka leo Jesu a kgonnego go ema le go bona dikgopololo tša bona, le go ba botša se ba se dirilego. Le a bona? Yeo ke nnete.

²¹⁰ Mosadi o kgwathile kobo ya Gagwe. Gomme A retologa go dikologa, a re, “Ke mang yo a Nkgwathilego?” O be a sa tsebe ka nako yeo. Gomme yo mongwe le yo mongwe o e latotše.

²¹¹ Eupša O lebeletše go dikologa, go fihla A hweditše fao maatla a ilego. O a bone godimo ga mosadi yo monnyane. Gomme O mmoditše ka taba ya gagwe ya madi, gomme o boletše, gore, “Tumelo ya gago e go pholosítše.” “Tumelo ya gago.” O be a gogilwe ka Modimo, a gogile go tšwa go Modimo, ka Yena. Ke ka baka leo bokwala bo ilego, maatla. Tumelo ya gagwe e be e kgwathile Modimo, ka Yena. Le a bona?

²¹² Bjale, “Mediro ye Ke e dirago le tla e dira le lena.” Le bona se ke se rago?

²¹³ Yo mongwe o rile, “Oo, re dira mediro ye megolo.” Gabotse, nno dira mediro, pele, le a bona. Gomme nno dira mediro. Le a bona?

²¹⁴ Le re, “Re rera Ebangedi gohle godimo ga lefase. Yeo ke ye kgolo.” O leka go ikuta ka morago ga se sengwe, moisa. Le a bona?

²¹⁵ “Mediro ye Ke e dirago, le lena. Mediro ye Ke e dirago le tla e dira le lena; le ye e fetago ye, ka gore Ke ya go Tate.” Le a bona?

²¹⁶ Lebelelang mosadi sedibeng, le go ya pele. Ke ka mokgwa wo ba tsebilego O be a le Mesia. Ge A tlile bošegong bjo, go toropokgolo, o be o tla tseba bjang gore e be e le Yena? Le a bona? Mabadi a sepekere, moikaketsi e ka ba mang a ka kgona go dira seo, a bea sepekere ka seatleng sa gagwe, le a bona, e ka ba eng. Aowa, mohlomphegi. Tsela e nnoši ba kilego ba e tseba, ke boitsebišo bja Moya, le a bona, e tla dira mediro yeo A rilego E tla e dira. Bjale, ke dumela seo.

²¹⁷ Gobaneng ke le sehlopha se sa batho ba Pentecostal? Ga se nna wa e ka ba ofe wa mekgatlo ya bona, gobane ke no ema magareng le go re, “Re banešu,” yohle ya yona. Le a bona? Gobane ke a dumela ba ne selo sa kgauswiuswi le se ke naganago Beibele ke sona, sa e ka ba mang ke mo tsebago. Le a bona? Leo ke-leo ke lebaka ke e dirago. Ga se ka tsoge ka tšoena, gobane ke ba bona ka mahlakoreng bobedi, banešu ka Moya wo Mokgethwa. Ke dumela seo. Ke a tseba ke therešo. Le a bona? Gomme kafao ga ke rate go aga go *le*, goba go aga go *lela*, goba go tloša go *le* le *lela*. Ke no ema le go re, “Re banešu.” E no lebalang ka *seo*. A re beng banešu, le a bona. A re nong go ba banešu. Gomme ge feela Sathane a re dirile re lwe seng sa rena, gobaneng, ga a swanela go lwa le gatee. Eupša ge feela re lebala ntwa yela, le go tšoena matsogo le dipelo, le go re, “Re banešu,” re ya pele, mašole a Bakriste, gona, tsošeletšo ye kgolo yela. Ga go khansele ya mohlakanelwa e ka tsogego ya kgwatha yeo. Aowa, mohlomphegi. Yeo ke kgetho ya Modimo, Bakgethiwa ba ba biditšwego, bjale. Ge letšatši . . .

²¹⁸ E nong go elelwa, leswao la mafelelo le le dirilwego, pele Sodoma e tšhungwa, e be e le Modimo a bonagaditšwe ka mmeleng wa motho. A yeo ke nnete? [Phuthego e re, “Amene.”—Mor.] Ke a e botšiša. Barongwa ba bararo ba tlile godimo go Abraham.

²¹⁹ Gomme ba babedi ba Barongwa ba ile pele tlase ka Sodoma, go fa tshebotšo. Seo e be e le go ya bolelo, kereke ya kerekeleina, Billy Graham wa sebjalebjale, le go ya pele.

²²⁰ Eupša Abraham o emetše, bjalo ka ge go bile letšatšing lela, Kereke ye e kgethilwego yeo e bego e se tlase ka Sodoma. E ka ntle ga Sodoma, mapentecostal a kgonthe ba go tswalwa gape

le bohole ba ba tswetšwego ke Moya. Bjale šetšang Yena yoo a setšego morago gomme o boletše le Abraham. O rile . . .

²²¹ Bjale elelwang, leina la gagwe e be e le Abram, matšatši a se makae pele ga fao, gomme Sarah e be e le S-a-r-r-a. Gomme o be a fetoletswe go Abraham, le go S-a-r-a-h, Sarah. Le a bona? A-b-r-a-h-a-m, *Abraham*, “tatago ditšhaba.” Le a bona?

²²² Gomme a ga e rathe, gore, bohole banna ba bagolo ba ba kilego ba ya kerekeng ya Sodoma ka ntle, lefaseng lehono, banna bohole ba bagolo bao ba kilego ba ya ntle fale. Go bile Billy Sunday, Sankey, Finney, Knox, Calvin, Luther, le go ya pele. Ga go le e tee wa bona a kilego a ba le leina le le feletsego ka h-a-m, go fihla lehono, G-r-a-h-a-m. E sego le lengwe, nako efe kapa efe. Ao ke maletere a tshela. Moo, Abraham ke A-b-r-a-h-a-m, šupa, go phethagala. Le a bona? Eupša šetšang. Morongwa yo a tlidego go Abraham, o rile go yena, “*Abraham*,” e sego Abram. “*Abraham*, o kae mosadimogatša wa gago,” e sego Sarra, eupša, “*Sarah*.”

Gomme Beibele e rile, “O ka tenteng ka morago ga Gago.”

²²³ Gomme O rile, “Nna . . .” Ke lena bao, lešalašala gape. “Ke ya go go etela, *Abraham*,” go ya ka tshepišo ye A e fago.

²²⁴ E be e le mang yoo? Lerole diaparong tša Gagwe. A ja namane, a nwa maswi go tšwa kgomong, a ja potoro, borotho. A dutše fale, a dira o ka re O be a le lerole le go lapa. A nke . . . Hlatswište maoto a Gagwe, Monna, go lebega o ka re. Gomme O rile, “Sarah o kae?”

O rile, “O ka tenteng, ka morago.”

“Ke ya go go etela, go ya ka . . .”

²²⁵ Gomme o be a le, se le se bitšago, go utswa ka tsebe, le a tseba, a theeditše go kgabola tente. Ga se a ke a kitimela ntle bjalo ka basadi lehono, le a tseba, gomme a swanela, le a tseba. Eupša, o, o theeeditše go kgabola tente, go seo monnamogatša wa gagwe a bego a swanetše go se bolela. Matšatšing a bjale, o bolela se a bego a se a swanela go se bolela. Kafao ka gona o theeditše ka mokgwa woo, go kgabola tente. Gomme ge a kwele . . . E sego lena dikgaetšedi, aowa, aowa; le tseba bokaonana go feta seo. Le a bona? Eupša, gabotse, o be a theeditše.

²²⁶ Gomme o—o segile, godimo ga letsogo la hempe ya gagwe, o rile, “Nna, mokgekolo, bogolo bja mengwaga ye lekgolo, le morena wa ka, gape a tšofetše, gomme re tla ba le mantsikinyane gape?” Le a bona, bjalo ka monnamogatša le mosadimogatša, ba be ba fedile, mengwaga le mengwaga pele. “Nna ka ba le mantsikinyane le monna wa ka gape, rena ra ba le mantsikinyane mmogo?” Gomme a sega.

²²⁷ Gomme Morongwa, ka wa Gagwe . . . Monna, ka magetla a Gagwe go tente, o rile, “Gobaneng Sarah a segile?”

Gomme o rile, o kitimetše ntle le go ipolela, “Ga se ke bolele.”

“Eupša o dirile.” Le a bona?

²²⁸ Bjale, Modimo a ka be a tšere bophelo bja gagwe thwi fale. Eupša o be a ka se kgone go mo gobatša, ka gore ke karolo ya Abraham. Oo, re ka be re ile kgale kudu, ge nkabe re be re se karolo ya Kriste. Dilo tšohle tše A di dirilego, gomme re ile go dikologa le go re, “Ke go bala monagano. Ke *se, seo*, goba *se sengwe*.” Eupša A ka se kgone go go kgwatha. Le a bona? Bogale bo ka se kgone go go kgwatha, gobane o karolo ya Kriste ge o tswalwa gape. Le a bona? Le a bona? O be a ka se kgone go dira, ka gore e be e tla gobatša Abraham. Tshepišo ya gagwe e be e le go Abraham, gomme Sarah ke karolo ya Abraham. Gomme Kereke ke karolo ya Kriste, Monyalwa. Le a bona? O be a ka se kgone go e dira, le ge gosedumele ga gagwe.

O rile, “Eupša o dirile.”

²²⁹ Beibele e rile o be a tšhogile. Mohlomongwe o be a tšhogile o be a tla lahlegelwa ke boleloko bja gagwe goba se sengwe, eupša, le a bona, le a bona, go swana le lehono. Eupša—eupša o be a tšhogile.

²³⁰ Gomme, hlokamelang, Monna yola wa go swana o fa ditšhegofatšo go Abraham. Gomme tshepišo, gore, ge a ka kgona go hwetša disoulo tše lesome tša go loka, A ka se e senye, gomme a timelela pele ga gagwe.

²³¹ Gomme Abraham o mmiditše *Elohim*, “Yena Molekanelia Gohle.” Bjale hwetšang Beibele ya lena gomme le lebelele. Ge... “Mathomong Modimo...” Bonang ge yoo e se “*Elohim*.” Gomme mo Abraham, yo a boletšego le Yena, o biditše ponagalo ye Monna mo, feela pele ga go swa ga Sodoma, yo a kgonnego go hlatha megopoloka monaganong, o rile e be e le “*Elohim*.”

²³² Gomme Jesu o rile, “Bjalo ka ge go bile bjalo matšatšing a Sodoma, go tla ba bjalo.” Bjale lebelelang ke mang a ilego kerekeng, kerekeleina. Setšang se Modimo a se dirago magareng ga Bakgethiwa. Feel a go ne leswao la mafelelo le Abraham a kilego a le amogela, ke—ke Kereke ye e bileditšwego ntle, e le amogetše pele Sodoma e tšhungwa. Re ka matšatšing a mafelelo.

²³³ Bagwera, tsošang Jesu. “Morena, O dirile tshepišo.” O se boife. E re, “Morena Modimo, ka sebete ke tšwela ntle. Ke a itsoša nnamong, ka fa. Tsoga, Morena, go sello sa ka. Ke a hloka. Nkgao gele. Ga se ka dumela, gomme ntshwarele bakeng sa yona. A nke ke, go tloga bjale, ke nyaka go Go biletša lefelongtiragalo, bakeng sa molato wa ka.”

²³⁴ Beibele e rile, “Ke Moprista yo Mogolo yo a kgonago go kgwathwa ke dikwi tša mefokolo ya rena.” A yeo ke nnete? Testamente ye Mpsha, Bahebère 1, Bahebère 3, Moprista yo Mogolo. “Bjale O dutše ka seatleng se setona sa Modimo, Moprista yo Mogolo yo a kgonago go kgwathwa.” Gomme ge A swana maabane, lehono, le go ya go ile, o tla tseba bjang o Mo

kgwathile? O tla dira go swana le ge A dirile maabane. Seo se tla Mo dira lehono. A yeo ke nnete? ["Amene."]

²³⁵ [Ga go selo lefelong la theipi—Mor.] . . . ka mebeleng ya go babja mo bošegong bjo. Morena, Wena o Modimo, gomme ga go wa go swana le Wena. Selo se nnoši re swanetšego go se dira ke go phafoga, go itšikinya renabeng, go biletša Jesu mo lefelongtiragalo. Gomme, Tate, ge O etla go lefelotiragalo, bolela gore O a swana maabane, lehono, le go ya go ile, gomme a re tsebeng bošegong bjo gore O sa le ka sekepeng. O sa le mo. O rile, "Nka se tsoge ka go tlogela. Nka se tsoge ka go lahla."

²³⁶ Gomme a nke go tsebje bošegong bjo, Morena, gore ke boletše Therešo. Ga go kgathale ke mantšu a makae ke swanetšego go a bolela, go le bjalo go ka se be boka Wena o bolela selo se tee. Feela lentšu le tee go tšwa go Wena le tla ra bontši go feta e ka ba eng yeo motho e ka ba ofe a ka go e bolela. Re nyaka Wena, Tate. Etra lefelongtiragalo feela go lekanelo gore batho ba mo ba kgone go bona gore O ka sekepeng, gomme ke a dumela gore modiradibe yo mongwe le yo mongwe o tla sokologa. Ke a dumela gore mokgelogi yo mongwe le yo mongwe o kitimela aletareng ka pela. Ke a dumela motho yo mongwe le yo mongwe a babjago o tla fodišwa. A O ka se e fe, Morena?

²³⁷ Re bitša go Wena. Etra, Jesu. Ba bangwe ba tla senyega, Morena. Ba bangwe ba tla hwa lehu la Gosafelego, karogano go tloga go Modimo, ge O sa tle lefelongtiragalo. Re a senyega, Morena. Ba bangwe ba bona ba lebetše mehlolo ya Gago ye megolo ya phodišo. O Modimo, sepelela lefelongtiragalo. Re a Go bitsa. Etra gomme o tsoše letsvalo la rena, Morena, le Moya wa Kriste wo o lego ka go rena. Re rapela Leineng la Jesu Kriste.

²³⁸ Bjale ka dihlogo tša rena di inamišitšwe, ge moralokapiano a ka tla go piano, goba go ka ba kae go lego. Gomme re kgopela bakeng sa tlhomphokgolo. Gomme bjale a re nong go ba le tlhomphokgolo ka mo re tsebago go ba bjang, nakwana. *Dumela Feela*, ge o ka dira, kgaetšedi, ka go nokologa.

²³⁹ Bjale, yo mongwe le yo mongwe wa lena rapelang. Bjale, rapelang lenabeng. Ke nyaka go tseba ke ba bakae ka fa bao ba se nago karata ya thapelo, gomme o a babja gomme o nyaka Modimo a go kgwatha, a o ka phagamiša diatla tša gago. Go lokile. Go lokile. Bjale, ke ba bakae ba nago le dikarata tša thapelo? Phagamiša seatla sa gago. Gabotse, go ne e ka ba gabedi bontši bjoo bo se nago dikarata tša thapelo bjalo ka ge go le bao ba nago le dikarata tša thapelo. Go sa kgathale ge eba o nayo goba ga o nayo, seo ga se re selo.

²⁴⁰ Seo se ra gore le bitša godimo fa. Ke be ke eya go tšea badiša, go tla fase, re tla bea diatla godimo ga lena le go le rapelela. Bjale, seo—seo ke se sebotse. Le a bona? Seo ka kgonthe ke se sebotse. Eupša theetšang. Le a tseba, go beeng ga diatla, ke dumela seo. Yeo ke nnete tlwa. Ee, mohlomphegi, ikgokaganye le sehlabelo

wenamong. Ke dumela seo. Eupša, lebelelang, Moroma nako ye nngwe . . . Wola ke motlwae wa Bajuda. Jairo o rile, "Etla, bea diatla tša Gago godimo ga morwedi wa ka gomme o tla phela."

²⁴¹ Eupša Moroma o rile, "Ga ke na maswanedi gore O tle ka tlase ga tlhaka ya ka. E no bolela lentšu, mohlanka wa ka o tla phela." Bjale, ge A swana maabane, lehono, le go ya go ile . . .

²⁴² Gomme ga ke le tsebe. Modimo ka Legodimong o a tseba gore ga ke bone e ka ba mang ntle le mootledi yo wa pese fa, yoo ke mo tsebago, mo nakong ye. Ke a tseba ke na le batho ba bangwe . . . Ngwanešu Sothmann le bona ba ka mo. Mosadimogatša wa ka o ka mo felotsoko, eupša ga—ga ke mmone ka nako ye. Ga—ga ke. Gomme ga ke bone Ngwanešu Sothmann. Eupša ga ba fa . . . Ba fa, ke ra, eupša ga ke tsebe kae.

²⁴³ Bjale ke nyaka le rapele. E nong go rapela ka tlhokofalo ka nnete, le re, "Morena, nthuše." Gomme ge le rapela, rapelang thapelo ya tumelo, rapelang gore Modimo o tla le fa kgopelo ya lena. Gomme o re, "Morena, ke a tseba monna yola ga a ntsebe, eupša ge O ka no netefatša go nna gore O ka sekepeng, gore O mo ka moagong wo bošegong bjo. Gona, ke a tseba gore Ngwanešu Branham ga a ntsebe, ga a tsebe selo ka nna. Eupša o mpreditše, feela bošegong bjo, gore O a swana, O Mesia wa go swana, gomme o tshepišitše gore ge a ka Go dumela, gore O tla dira mediro ya go swana ka yena yeo—yeo O e dirilego ka Mesia, gobane Moya wa Gagwe o tla ba le rena. Ka gona ge ke tseba, go ka kgona go netefatšwa gore O mo, gona seo ke sohle ke swanetšego go se tseba. Ke tla e dumela, ka pelo ya ka yohle." A o tla dira seo? Gomme ge A ka sepelela lefelongtiragalo le go dira se sengwe boka A dirile nako yela, gona le tla tseba ke mediro yeo A e dirilego.

²⁴⁴ Lebelelang se A se dirilego ge A bone Petro, Nathaniele, mosadi mo sedibeng, sefofu Baratamio, bao ba Mo kgwathilego, mosadi ka taba ya madi. Le a bona? Ke ka fao ba tsebilego O be a le Lentšu, gobane O kgonne go hlatha dikgopololo tša bona. O tshepišitše, go leswao la mafelelo, pele ga go swa ga lefase, leo le tla bowago gape, leswao la mafelelo go Kereke. Ke rena ba. Molaetša šole go kereke ya kerekeleina ntle kua. Molaetša šo go Kereke, pentecostal, Bakgethiwa, bagogelwa ntle. Bjale dumelang.

²⁴⁵ Bjale, Tate wa Legodimong, ba ka diatleng tša Gago. Ke ka diatleng tša Gago. Ke ikgafela nnamong go Wena, ke ba neela go Wena, gore mediro ya Modimo e ke e tsebje, gore molaetša wo monnyane wo wa go ripagana bošegong bjo o ke o dirwe go bonagala go batho ba mo ka Tucson, tlasetlase fa ka bogareng bja leganata le. Tate Modimo, ka go kereke ye nnyane ye ya go ratega, le modiša wa Gago yo monnyane wa go ratega fa, Morena, gore kereke ye ka mehla e tla phela go dipuelo tša Lentšu la Modimo, gore ba ke ba tsebe gore Jesu o sa le ka sekepeng. Gore, gobane

tsošeletšo ga e ye pele, seo ga se re gore O ile. O na le rena thwi, o loketše go bitšwa ka nako ye nngwe le ye nngwe, ga go bothata go tsoga, eupša o tla tla go hlakodiša.

²⁴⁶ Ke a Go kgopela, Morena, gore batho ba ke ba tsebe gore O Modimo, gomme O a swana maabane, lehono, le go ya go ile. Ke ikgafela nnamong go Wena, le kereke, yeo, gare ga rena, magareng ga tumelo ya bona le mpho ye O mphilego yona, gore tumelo ya bona e ke e sepediše mpho ye ya Modimo, ye e tla bitšago go kgabola batheeletši ba, gore, batho ba ba sa tsebjego ba, le go dira bjalo ka ge O dirile ge mosadi a kgwathile kobo ya Gago.

²⁴⁷ Wena o Moprista yo Mogolo wa rena, Morena. A nke batho ba ba kgwathe kobo ya Gago, gomme O romela molaetša wa Gago morago go bona, bjalo ka ge O dirile ka Jesu Kriste, Morwa wa Gago. Bjalo ka rena, bahlanka ba go hloka mohola ba Gagwe, re hlwekišitšwe ke Madi a Gagwe a bohlokwa, a nke mediro ya Modimo e tsebje go lefase le le hwago ka matšatšing a mafelelo. Gomme re tla Go tumiša bakeng sa yona, Tate.

²⁴⁸ Ka gona ge re eya gae bošegong bjo, go bapa le tsela, re tla bolela boka bale ba tšwago Emause, ka morago ga ge A hwile, a tsogile, gomme O dirile se sengwe boka A dirile pele A bapolwa. Ba tsebile e be e le Yena. Ga go motho yo mongwe a ka kgonago go se dira. Gomme dira seo gape bošegong bjo, Morena. Dira bjalo ka ge O tshepišitše. Ke tshepišo ya Gago. “Mediro ye Ke e dirago o tla e dira le yena. Ke tla ba le yena, ebile le ka go yena, go fihla bofelong, bja lefase.” E tla e tiišetša, Morena. Gomme re tla re dipelo tša rena di swe ka gare ga rena. Re kgopela Leineng la Jesu. Amene.

²⁴⁹ Bjale, Leineng la Morena Jesu, ke le kgopela go dula go iketla, tlhomphokgolo, dumelang.

²⁵⁰ Bjale, go lebelela godimo ga batheeletši, ka Lentšu le la Modimo pele ga ka, ke bolela gore motho a nnoši yoo ka kgonthe ke mo lemogago ke ngwanešu yo godimo fa. Gomme bjale ke bona mosadimogatša wa ka ka morago, le morago kua. Eupša a re thomeng mo ka pele.

²⁵¹ Bjale rapelang gomme le re, “Morena Jesu, ke kwele theroye ntši. Ke kwele ditšweletšwahlwahlwa tša dithero. Eupša ke nyaka go Go bona, boka Bagerike ba rile, ‘Mohlomphegi, re rata go bona Jesu.’” Ba be ba sa nyake go tseba filosofi. Ba be ba nyaka go Mmona, go Mo tseba, e sego se sengwe gape eupša Yena. Gomme Yena ke Lentšu, le a bona, go Mo tseba ka sebele. O re, “Ke bjalo ka mosadi yo a bilego le taba ya madi. Ke na le tlhoko. A O ka no iponagatša Wenamong bošegong bjo le go bolela le nna? Wena o Moprista yo Mogolo. Nka se tsebe segalontšu sa Gago, mohlomongwe, ge O boletše. Eupša ge O bolela ka dipounama tša motho, boka O boletše.”

²⁵² Modimo ga a dire selo ntle le tokelo ya motho. Ke ba bakae... Le tseba seo. Le a bona? O—O swanetše go šomiša yo mongwe. Bjale a le tla... Ge A ka dira seo, le go netefatša gore O thwi fa le rena, a le tla amogela phodišo ya lena? Phagamiša seatla sa gago, e re, "Ke tla dira. Ge nka kgona go Mmona a dira seo, ke tla e amogela." Modimo a go šegofatše. Bjale rapela.

²⁵³ Gomme bjale ge A dira e ka ba eng ka mohlolo, se belaele. E no dumela. O ka kgona go ntebelela, wa dira eng kapa eng o nyakago, eupša ge feela o dumela gore O gona. A le dumela seo, ka mpho ye Kgethwa, ye e rometšwego go tšwa go Modimo, e bonagatšwa ke Morongwa? Gomme mo ke eme, badiredi ba go ntikologa, thwi ntle mo. Ga go selo... A ke nnete, ngwanešu? Bohle re dutše fa. Ke lena bao fale.

²⁵⁴ Ga ke go tsebe. Modimo o tseba seo. Ga ke tsebe selo se tee ka wena, eupsa O a dira. Bjale, ka Motho wa go se bonwe, Moya wo Mokgethwa, Yo feelsa a kgonago go dira go tsebja ka ponagalo ya Gagwe, a ka kgona go utolla go wena tlwa se A boletsego gore Lentšu le tla se dira. Ge Lentšu le bewa ka nameng, ke Mohlathi wa dikgopololo tša pelo. A yeo ke nnete? Ke ka baka leo A kgonnego go e dira. Le a dumela bjale. Eba le tumelo. O se belaele. E no ba le tumelo.

²⁵⁵ Nako ye bose bjalo! Ke nagana ye ke dinako tša go makatša kudukudu tša bophelo bja ka, ge nka kgona go ema pele ga sehlopha sa batho le go ba dira ba tsebe gore thapelo ya bona ga se ya lefeela. Bodumedi bjo bongwe le bjo bongwe lefaseng ke sa maaka, ntle le Bokriste. Bodumedi bjo bongwe le bjo bongwe lefaseng bo fošagetše, ntle le Bokriste. Bokriste ke bjona bo nnoši bo ka go šupetšago lebitla le le se nago selo, le pelo ya go bulega gomme bja re, "O phela mo," gomme bja e netefatša. Bjale, sese se A se tshepišitšego. A O tla boloka tshepišo ya Gagwe? Yeo ke yona. A O boloka tshepišo ya Gagwe? Ee, mohlomphegi.

²⁵⁶ O re, "Gabotse, Ngwanešu Branham, etla tlase gomme o mphodiše."

²⁵⁷ Ke duma ge nkabe ke kgona. O šetše a e dirile. Selo se nnoši A nyakago o se dira ke go e dumela. Le a bona?

"A o ka mphološa, Ngwanešu Branham?"

²⁵⁸ Ke duma ge nkabe ke kgona. Eupša O šetše a e dirile. O na le... Selo se nnoši A bego a ka kgona go se dira, ge A be a eme mo a apere sutu ye, ye A mphilego yona, selo se nnoši A ka kgonago go se dira e no ba tlwa se re Mo kgopelago go se dira bjale, le a bona, a re nong go tseba gore ke Yena.

²⁵⁹ "Se boife, ke Nna. E ba wa thabo ye botse." Le a bona? Barutiwa, ge A be a sepela godimo ga meetse, ba naganne e be e le moyo, sepoko, goba se sengwe. Ba be ba tšhogile. O rile, "Se boifeng. Ke Nna" Le a bona? Gomme seo ke se A tla se bolelagoo bošegong bjo, "Se boifeng. Ke Nna."

²⁶⁰ Ke šeditše mosadi a nno dula fa, a lebeletše thwi go nna. Gomme ge o ka kgona go Se bona bjale, fao go Seetša sela thwi bokagodimo ga mosadi yo a dutšego thwi mo. Ga ke go tsebe. Eupša, selo se tee sese, o tlaišega ka bothata ka mokokotlong wa gago. A yeo ke nnete? Ge seo e le nnete, phagamiša seatla sa gago. Go lokile. Tumelo ya gago e go dira o thakgafale.

²⁶¹ Mpotšeng se a se kgwathilego. Ga se ka ke ka mmona ka bophelong bja ka. A re basetsebane seng sa rena? Ge seo e le nnete, phagamiša seatla sa gago. Kafao, le a bona, ga se nke ka ke ka bona mosadi bophelong bja ka. Eupša ke mmone ka mokgwa *wo*, gomme ke tsebile mo ke mo e bego e le. Go lokile. Ya.

²⁶² Fa, se sengwe sese. Mosetsana yo monnyane šo o dutše fa mo setulong sa pele, feela ngwana. Ka pela ge ke boletše leina la gagwe, o—o thomile go lla. Mosetsana yo monnyane o nyaka se sengwe sa mnene. Samme wa gagwe o a lla, ka morago ga gagwe. Ga ke tsebe ngwana, ga se ka ke ka mmona ka bophelong bja ka, ka mo ke tsebago. Eupša o nyaka kolobetšo ya Moya wo Mokgethwa. Yeo ke therešo. A yeo ke mnene, mosetsana yo monnyane? Yeo ke mnene. Phagamiša seatla sa gago se sennyane. O a bona? Ke wena yoo. Ga a tšwe mo. O tšwa bohlabela bja mo. Ke morwedi wa modiredi wa moromiwa. Gale, tatagwe o kganyoga go mpona ka potšišo. Ga se ka ke ka mmona ka bophelong bja ka, eupša yeo ke therešo tlwa. Se boife, hani. O tla amogela Moya wo Mokgethwa. Tumelo ya gago e a e dira. E no dumela.

²⁶³ Ge ngwana yo monnyane yola a ka kgona go dira seo... Botšišang ngwana, bonang ge eba ke therešo goba aowa. Ge ngwana yo monnyane yola... Ba kgwathile eng? Mosetsana yo monnyane, a o na le karata ya thapelo, hani? Ga o dire? Ga—ga o e hloke. O a bona? O na le bontši go feta se karata ya thapelo e lego, hani. O na le tumelo.

²⁶⁴ Elelwang, o tla amogela Moya wo Mokgethwa. O, o tla o amogela. Gabotse, O thwi hleng le yena bjale. O re, “O tseba bjang?” Ke tsebile bjang se e bego e le phošo, se a bego a se nyaka? Le a bona? Bjale, ge ngwana yola, “ngwana o tla ba etapele,” gobaneng le sa dire bjale?

²⁶⁵ Go na le mohumagadi o dutše thwi mo, o ntebeletše. O tlaišega ka seemo sa letšhogo. O rapediša monnamogatša wa gagwe, le yena, yo a sego a phološwa. O tla dumela ka pelo ya gago yohle, o ka amogela se o se kgopetšego. Amene.

²⁶⁶ Fa, mosadi yo moswa a dutšego thwi morago *fa* ka mothalong wa ka ntle, o na le bothata bja sesadi. A o dumela ka pelo ya gago yohle, o tla fodišwa. A o dumela seo?

²⁶⁷ Go na le mohumagadi wa lekhalate o dutše thwi morago ka morago ga gagwe fale. O ka thapelong, eupša o rapelela moratwa. Ke monna yo mogolo, ratswale. Gomme ratswale yola o be a babja lebaka la mengwaga. Yeo ke nnete. Ke mosetsebje go wena.

A yeo ke nnete? Yeo e hlotšwe ke mohuta tsoko wa kotsi yeo e thomilego bothata. Ge seo e le nnete, phagamiša seatla sa gago. Go lokile. O a dumela? O ka amogela se o se kgopetšego.

²⁶⁸ Ka tsela ye e thomilego go tokologa. Mohumagadi yo mongwe wa lekhala o dutše thwi morago fale, o tlaišega ka bothata bja asma. Mohumagadi o ya go e foša. Modimo, nthuše. Mdi. Jamison, o dumela ka pelo ya gago yohle. Phagama ka maoto a gago. Ga ke go tsebe. Eupša, o dumela ka pelo ya gago yohle.

²⁶⁹ O re, “O tseba leina la gagwe?” Gobaneng, kgonthe. A Yena ga se a botša Petro gore leina la gagwe e be e le mang? Ya. Nnete. Yena o tseba dilo tšohle.

²⁷⁰ Monna šo o dutše mo, o ya go hwa ka kankere, ge go le se sengwe se sa mo kgwathego gabotse ka pela. O na le kankere. Yeo ke nnete. O a dumela? O a dira? O a dumela Modimo a ka mpotša o mang? Mna. Ladd, gona, ge o dumela ka pelo ya gago yohle, o ka kgona go fodišwa. Ga se ka ke ka tsoge ka bona monna ka bophelong bja ka.

²⁷¹ Bitšang Jesu. O magareng ga lena bjale. A ga le bone? Le a dumela? Ebang le tumelo ka go Modimo. A o a dumela o ka kgona go Mo tsoša ka letswalo la gago bjale? Le a bona? A le a dumela? Ge le le, beang diatla tša lena go lena seng, ka mokgwa *wo*. E nong go beana diatla seng sa lena. Mmiletšeng lefelongtiragalo. Yoo ke Yena. A le a e dumela? Yoo ke Yena. Botšišang batho ba. Ga se nke ka ke ka bona bophelong bja ka.

²⁷² Bjale ke mogohle, gohlegohle moagong bjale, ge le na le diatla tša lena yo motee godimo ga yo mongwe. A o ka se kgone go tšea lentšu la ka? Ge Modimo a tiišeditše gore ke le boditše therešo, le a bona, gona tšeang lentšu la ka bakeng sa yona. Ke le botša se e lego therešo. Therešo ke eng? Beang diatla tša lena go lena seng. Le se belaeleng. Beibebe e rile, “Maswao a a tla latela bona bao ba dumelago. Ge ba bea diatla tša bona godimo ga balwetši, ba tla welwa ke maruru.” Jesu šo magareng ga rena, gonabjale, Moya wa Kriste.

²⁷³ Bjale, ge o bea diatla tša gago godimo ga motho yo a nago le wena, bjale o a ba rapelela. E no ya pele, bea diatla tša gago godimo ga bona gomme o rapele. Ke ya go rapela go tloga mo. Gomme ke a dumela Modimo o ya go fodiša yo mongwe le yo mongwe wa lena. O bea diatla tša gago godimo ga bona, le go dumela, ge re rapela.

²⁷⁴ Morena Jesu, re a Go leboga. Pelo ya ka e a kitima, ka gore Wena o mo, thwi mo ka Tucson. Ke Wena yo, thwi fa ka go kgobokano ye ya kereke. O fa magareng ga batho. O e netefaditše, Morena. Dilo tše di ka dirwa bjang ntle le ge e le tša Modimo? Ga go makatše moapostola o rile, “Monna yo a netefaditšwego ke Modimo magareng ga rena, ka maswao le matete, e lego (Yena) Modimo o dirile ka Yena magareng ga rena bohole, e lego dihlatsse.” Gomme šo Monna yola wa go swana, Jesu

Kriste, Morwa wa Modimo, ka sebopego sa Moya wo Mokgethwa, bošegong bjo, o sepela magareng ga rena, o tiišetša Mantšu a Gagwe. “Mediro ye Ke e dirago le tla e dira le lena.” Re a tseba gore O mo, Morena. Wena ga se wa re tlogela.

²⁷⁵ Bjale, batho ba ba na le diatla godimo ga seng sa bona. Ke badumedi. Ba rapelelana seng, gomme ba dumela gore O ya go ba dira ba welwe ke maruru.

²⁷⁶ Ka Lentšu la Modimo yo a phelago, ka tlhohlo yeo Lentšu le e fago, gore, “Maswao a a tla latela bona ba ba dumelago.” Ka Bogeneng bja Jesu Kriste yo a tsogilego, Morwa wa Modimo, ka Bogeneng bja Gagwe! Bogona, Moya wo Mokgethwa wo o lego thwi bjale mo, gomme o netefaditše gore ke Jesu magareng ga rena, o re tsošitše, Morena, go tloga borokong bja rena, go fihla dipelo tša rena di rethetha ka lebelo ka tumelo le tumišo.

²⁷⁷ Leineng la Jesu Kriste, a nke bolwetši bjo bongwe le bjo bongwe bo tlemollwe go tloga go batho ka motsotso wo. A nke ba lokollwe go tloga go malwetši a bona ohle le ditlaišego tšeob a nago le tšona. Ke laela Sathane, ka Bogona bja Jesu Kriste, ka segopotšong sa Lentšu la Gagwe, yo a rilego, “Leineng la Ka ba tla rakela bodiabolo ntle.” Rena, bjalo ka banna le basadi ba go dumela, re hlohla diabolo yo. Leineng la Jesu Kriste, tlogela phuthego ye. Etšwa go yo mongwe le yo mongwe wa bona. Gomme a nke ba ye ba lokologile, bošegong bjo, go ya gae, go ikhwetša bonabeng ba lokologile go tšwa bolwetšing, go bofologa go tšwa go bohloko, go bofologa go tšwa go tlaišego, yo mongwe le yo mongwe wa bona, Morena. Leineng la Jesu Kriste a nke go be bjalo.

²⁷⁸ Ka dihlogo tša lena di inamišitšwe bjale, tšwelangpele le rapelelana seng. Bjale, ge go na le monna goba mosadi, yo a bilego le pelaelo ka pelong ya bona, mošemane goba mosetsana, le go dumela gore bjale le ka Bogeneng bja Yena yo ke boletšego ka yena bošegong bjo, Yo a dirilego ka go phethagala le go le botša; le go netefatša go lena ka Lentšu la Gagwe, gore O tla e dira, gomme o tlide le go dira feela tlwa se A rilego O tla se dira, le a bona, magareng ga rena bošegong bjo. Gomme ge o se ngwana wa Modimo, a o ka sepelela godimo mo aletareng ge Moya wo Mokgethwa o ntlotša le go tlotsa ba bangwe ba, le go re dumelela go le rapelela? A le ka tla ge re sa na le dihlogo tša rena di inamišitšwe, go no ba le dihlogo tša rena di kobilwe motsotso, ge re hama go renabeng, “Dumela feela, dilo tšohle.”

²⁷⁹ O re, “Ngwanešu Branham, ke nyakile Modimo lebaka la mengwaga, gomme ga—ga—ga se ka ke ka kgona go tlatšwa ka Moya. Ga se nna Mokriste wa go tswalwa gape. Ke—ke nyaka go tswalwa gape. Ka—ka kgonthe ke a e nyaka. Gomme nna, Ngwanešu Branham, ke nyaka o nthapelele.”

²⁸⁰ A le ka tla godimo mo le go ema mo, ge re sa hama ye go kgabola, goba go e opela gatee, ka dihlogo tša rena di

inamišitšwe le dipelo tša rena di inamišitšwe? *Dumela Feela*. Ke ikwela go hlahlwa go dira se, ka mokgwā wo mongwe. Ga ke tsebe. Ga nke ke dira se. Eupša ke ikwela go hlahlwa go e dira gonabjale, gore pitšo ye e swanetše go dirwa. Kafao, seo, mo bofelong bja lebaka, ge ke eme pele ga lena gape... Mohlomongwe e sego gape, ge nka tla morago fa ngwaga go tloga lehono, go tla ba le... Ge nka phela ngwaga, ba bantši fa ba ka se ke. Le a bona? Ba ka se be, gobane go ne batho ba bagolo fa. Gomme—gomme ba bantši ba lena ba ka se be fa ngwaga go tloga bosegong bjo, eupša ke tla swanelago go kopana le lena nako ye nngwe. Kafao, ka Bogoneng bja Kriste, ke le kgopela go tla pele bjale, Leineng la Jesu, le go Mo amogela bjalo ka Mophološi wa gago, ge re opela bjale ka dihlogo tša rena di inamišitšwe.

Dumela feela, no feela...

O nyaka ke rapele le wena, a o tla tla mo?

Dilo tšohle di a kgonega, a o ka se ke feela...

²⁸¹ E no dumela O mo, e no nagana, Yena yola wa go ratega yo o tla swanelago go ema ka kahlolong ya Gagwe nako ye nngwe. Ge sebe se go tshwenya, a o ka se tle pele?

...dumela feela,
Tšohle...

Yeo ke nneta. Etla thwi pele godimo. Lena bohle le...
Etla thwi fa, kgaetšedi. Yo mongwe gape etla gonabjale? Etla thwi pele.

O Morena, ke...

O Morena, ke a dumela,

...Morena, ke tla dumela,

²⁸² “Ke tla dumela thwi bjale, Morena, O mo.”

Tšohle...

“Ke lekile, Morena, eupša ga ke tsebe. Dilo tšohle di a kgonega. Morena, ke a dumela. Ke nyaka go loka le Modimo. Ke tla...” Modimo a le šegofatše, bašemane, go tšwa ka ntle.

²⁸³ [Ngwanešu o re, “Ke nyaka ba tle ka fa?”—Mor.] (Bjale, seo se lokile, ngwanešu. Go no ba go lokile. Ke tla ya thwi tlase go bona. Ke tla le iša bohle tlase...?...)

...O Morena, ke a dumela,

Dilo tšohle di a kgonega, O Morena, ke...

²⁸⁴ Morena, ka morago ga ge O tsogile go tšwa bahung, mengwaga ye makgolo a lesomesenyane ya go feta, gomme mo O dirile tshepišo gore re tla Go bona ka matsatsing a mafelelo, gore O tla dira sona selo se. Gomme mo O tla go dikologa, bosegong bjo, thwi pele ga mahlo a ka, ka go lebaka le la bohlale, lebaka la saense, le go roba molao wo mongwe le wo mongwe wa saense, go roba se sengwe le se sengwe seo baswaswalatši ba se boletšego, le go tla thwi fase magareng ga rena, le go netefatša gore O tsogile

go tšwa bahung. “Ke tla dumela, Morena. Ke a dumela,” ge re sa e opela gatee gape.

Morena, ke a dumela . . .

²⁸⁵ A le ka tla bjale, ka moka ga lena? Etlang pele thwi. E no šuthelang godimo, lena bohle. Bohle ba le nyakago go amogela Kriste bošegong bjo, a le ka se tle?

. . . dilo di a kgonega, O Morena, ke a dumela;
O Morena . . . (“Morena, ke tla dumela.”)

²⁸⁶ Ga go selo gape se swanetšego go dirwa, Morena. Leo ke leswao la mafelelo O le tshepišitšego. Go rera Lentšu, go fodiša balwetši; elelwang, Lentšu le rerilwe, balwetši ba fodišitšwe. Eupša šele leswao la mafelelo go Kereke ye e bileditšwego ntle, Kereke ye e bileditšwego ntle ya Pentecostal. Leswao la yona la mafelelo. “Ke tla dumela.”

²⁸⁷ Bjale, bjalo ka ge re na le tše, nomoro ya go phethagala mo bošegong bjo, ya šupa, e ra go felela. Ke be ke no nyaka go ba le nnete. Moya wo Mokgethwa . . . Ga o tsoge wa mpona ke ne tirelo ya phodišo, morago wa retologa thwi morago go dikologa le go dira pitšo ya aletara. Le a bona? Eupša Moya wo Mokgethwa o rile, “E dire.” Le a bona? “E dire gonabjale. Ye ke nako. O a e dira.” Ke naganne . . . Ke retologetše godimo go Ngwanešu Mack. O rile, “O a e dira.” Šeba bona, šupa, palo ya go felela. E ka no ba pitšo ya bona ya mafelelo, eupša ba lemogile. Ba dirile feela tlwa se Modimo a ba boditšego go se dira.

²⁸⁸ “Yo a kwago Mantšu a Ka gomme a dumela go Yena yoo a Nthomilego, o ne Bophelo bjo bosafelego, a ka se tle Kahlolong, eupša o fetile go tloga lehung go ya Bophelong.” Ba fetile go tloga lehung go ya Bophelong.

²⁸⁹ “Yo a lewago ke dihlong ka Nna pele ga batho, yena Ke tla mo jelwa ke dihlong pele ga Tate wa Ka le Barongwa ba bakgethwa. Eupša yo a tla Mpolelago pele ga batho, yena Ke tla mmolela pele ga Tate wa Ka le Barongwa ba bakgethwa.” Šeba ba eme, banna ba bararo le basadi ba bane.

²⁹⁰ Gomme a le be le tseba gore yeo ke tsela ye dikgao tša tswalo di lego ka lefaseng lehono, ka United States? Basadi ba bane go banna ba bangwe le ba bangwe ba bararo. Yeo ke tsela ye palo ya tswalo e lego. Palo ya tswalo še gape bošegong bjo, e etla morago ka kerekeng. Amerika e hwetša ya yona ya mafelelo. O fedile. Yeo ke phetho. Re mo nakong ya bofelo.

²⁹¹ Bjale ke a makala ge eba basadi ba bangwe, mme tsoko wa go loka goba mosadi fa, yoo a tladišwego ka Moya wo Mokgethwa, ba bararo goba ba bane ba lena, le tla tla mo, la ema le dikgaetšedi tše, ge ke eya go ba rapelela. Gomme banešu ba bararo goba ba bane, mohlomongwe banešu badiredi fa, ba sepela go theoga, emang hleng le masogana a a makaone a emego fa, emang fa ge re sa kgona go hlatsela mmogo. Ke ya go tla fase,

ke rapela, le go bea diatla godimo ga batho ba. Gomme ke nyaka motho yo mongwe le yo mongwe ka kerekeng ye go dumela le nna, ge re rapela. Yeo ke nnete. Modimo a le šegofatše, baena. Ke tla tlase le lena, go bea diatla godimo ga bona.

²⁹² Bjale ke nyaka yo mongwe le yo mongwe tlhomphokgolo ka kgonthé, ge le ka rata, feela nakwana, karolo ye kgethwa kudukudu.

²⁹³ Bjale lebelelang. Se ke sohle ba kgonago go se dira. Ke... Šetšang. Le a tseba, ba kwele Segalontšu sa Modimo, gomme ba sepeletše godimo fa. Masogana a ka go lebaka le, basadi ba ka go lebaka le, ba sepeletše godimo fa go dira boipolelo bja phatlalatša, ba feditše ka sebe. Ke rile, “Mang le mang a nyakago go amogela Jesu Kriste bjalo ka Mophološi wa bona, etla pele.”

²⁹⁴ Gomme Bogona bja Modimo bo dira go tsebja dikgopoloo, bo botša batho se se fošagetšego ka bona, ke bomang, go reng ka bona, moo ba tšwago, le a bona, ge yoo e se Kriste, gona ke eng? Ke tshepišo. Modimo o rile O tla e dira. Gomme batho bale, mohlomongwe lekga la mathomo ba kilego... Gomme bona, badiradibe, ba rile, “Ee, ke dumela seo. Yeo ke yona. Lentšu šele le dirilwe—le dirilwe go bonagala. Le dirilwe nama. Lentšu ke nama gape, Modimo a šoma ka nama ya motho. Re a tseba ke therešo.” Gomme ba tla godimo le go re, “Ke feditše ka sebe.” Bjoo ke boipolelo bja phatlalatša. Seo se a e dira.

²⁹⁵ Bjale, lena batho ba go ratega bao le tlago godimo fa, letšatši le lengwe ke swanetše go kopana le wena, kgaetšedi, go kgabaganya mollwane mošola, yo mongwe le yo mongwe wa lena. Ke swanetše go kopana le lena godimo kua. Ke swanetše go fa lebaka bakeng sa se ke se boletšego. Baena, ke swanetše go fa lebaka. Wena, o ka no ba o dirile dilo tše botse tše maatla. O ka no ba o obametše batswadi ba gago. O ka no ba o dirile dilo tša go makatša. Eupša selo se segologolo o kilego wa se dira bophelong bja gago ke se o se dirago gonabjale. Le a bona? Seo ke selo se segologolo o kilego wa se dira.

²⁹⁶ Bjale, ge Modimo—ge Modimo a rometše fase Moya wa Gagwe gomme a netefaditše, gomme ka gona sona Selo se boletše ka nna gomme sa re, “Dira pitšo.” Bjale, ge le kile la ba ka dikopanong pele, le a tseba ga ke dire seo. Ke tla e bušetša go modiša. Eupša O rile, “O dira se.” Le a bona? Gona ke e dirile. Thwi ka pela, ke be ke eya go. Go be go le yo mongwe godimo fa, gomme e be e le felotsoko ke bonego Seetša sela se sepelea godimo ga bona. Ke thomile. Gomme gateetee, E kgaogile. A le lemogile ka fao E fetogilego? O rile, “O dira se.” O rile, “Bitša thwi bjale.” Seo ke sohle nka kgonago go se dira. Nnete. Ke sohle nka kgonago go se dira. Ke lena ba.

²⁹⁷ Bjale, Jesu o rile, ka go Mokgethwa Johane 5:24, le a bona, ke se, gore, “Yo a kwago Mantšu a Ka, gomme a dumela go Yena yoo a Nthomilego, o ne Bophelo bjo bosafelego.” A o dumela seo,

morwa? A o dumela seo, yo mongwe le yo mongwe wa lena banna? Lena basadi le dumela seo? Seo ke sohle le ka kgonago go se dira.

²⁹⁸ Gona o dira eng? Amogela. Ga se gona o ka go se dira. E re, "Morena," ka pelong ya gago, "Ke maswabi ka se ke se dirilego. Ka lethabo ke amogela se Jesu a ntiretšego. Bošegong bjo, go tloga iring ye go ya pele, ke ya go Mo phelela. Ke ya go amogela Jesu Kriste bjalo ka Mophološi wa ka. Ke ya go amogela kolobetšo ya Bokriste. Ke a dumela gore O tla ntlatša ka Moya wo Mokgethwa. Ke nyaka go Go phelela."

²⁹⁹ Feela lebakana le lennyane gomme o tla hwetša se sengwe le se sengwe se fetotšwe, gomme o sebopiwa se seswa. Bophelo bjo boswa bo tla ka gare, gomme o phela go tloga fao go ya pele. Gomme ke tla kopana le lena gape mo setulong sa kahlolo sa Kriste, yo mongwe le yo mongwe wa lena. Ke tla kopana le wena fao, gomme ke tla swanela go ba le boikarabelo ka se ke... Modimo o tla ntira ke rwale boikarabelo. Eupša ge o ka e amogela godimo... E re, "E ka ba eng ke e dirilego, O a tseba, Ke sepeletše godimo fa pele ga batho ba go bontša gore ke maswabi. Ga ke... Ga se ke re go dira seo. Ga ke nyake go e dira gape. Ke feditše." Seo ke se...

³⁰⁰ Bjale ke nyaka le inamišeng dihlogo tša lena. Ke nyaka yo mongwe le yo mongwe wa lena banesu le dikgaetsedi go bea diatla tša lena godimo ga ka. Ke nyaka motho yo mongwe le yo mongwe wa kereke ka fa, Mokriste yo mongwe le yo mongwe, go inamiša dihlogo tša lena ka thapelo ya go kokobela ge ke rapela. Gomme a le tla rapela le nna, gore Modimo o tla fa kgopelo ye?

³⁰¹ Bjale, Tate wa Legodimong, fa go eme mosadi a lla, mosadi yo moswa, mosadi yo mobotse yo moswa a eme fa, a lla. O... [Ngwaneshu Branham o tšwelapele go rapela le batho. Ga go selo go theipi—Mor.]

³⁰² ...godimo ga Gago a tiišetša se O boletšego gore O tla se dira. O tshepišitše gore O tla se dira. O tlide tlase le go fodiša balwetši le ba ba hwago, gomme ba fetogile go tloga lehung go ya Bophelong.

³⁰³ Gomme ka gona ba bangwe, go hwa semoyeng, ba kitimela aletareng. Barongwa ba Legodimo ba thakgetše, go ya ka Lentšu la Modimo, "Balahlegi ba boile." Jesu o leleketsé bodiabolo ntle ka monwana wa Modimo, eupša ge A phološitše nku, O mmeile godimo ga legetla la Gagwe, la go tia kudu la mmeile wa Gagwe, le go mo tliša ka gare.

³⁰⁴ Bjale šeba bona, Morena. Ke ba Gago. Ke ba neela go Wena, bjalo ka dika tša lerato tša Bogona bja Gago bošegong bjo. Ba boloke, Morena, ka khutšo ye e phethagetšego. Gomme ba fe Bophelo bjo Bosafelego, gore ba se tsoge ba senyega, eupša ba phele go ya go ile. Modimo, O tshepišitše gore O tla mo tsoša mo letšatšing la mafelelo. Ke dumela seo. Gomme ke ba Gago.

³⁰⁵ Bjale ka dihlogo tša rena di inamišitšwe, yo mongwe le yo mongwe. Ke nyaka go le kgopela lena ba le tlago aletareng feela bjale, gore, go tšwa—go tšwa botebong bja pelo ya gago, le tla ka tlhokofalo. Gomme go tšwa botebong bja pelo ya gago o a dumela gore Beibele e a rereša; gore Jesu Kriste, Morwa wa Modimo, o hwile legatong la gago. Ga o na maswanedi a yona. Ga o na maswanedi. O a e tseba. Eupša ka lebaka la gore o be o hloka maswanedi, Modimo o Mo rometše, Yena wa maswanedi; gore lena, ka go se swanele ga lena, le ke le dirwe barwa le barwedi ba Modimo. Ga go selo . . . Eupša feela se sengwe ka pelong ya gago se go botša gore yeo ke nnete, gomme o a e amogela. O Le dumela ka pelo ya gago yohle, le go Mo amogela bjalo ka Mophološi wa gago. Ga go selo se o se dirilego, eupša se o dumelago gore O se dirile. O a Le dumela. Ke nyaka o phagamiše seatla sa gago, o re, “Bjale nna, Leineng la Kriste, ke tla amogela Jesu Kriste go tšea lefelo la ka fao.” Seo ke sohle A nyakago go se dira, go tšea lefelo la gago. Modimo a go šegofatše, le go go šegofatša. “O tla tšea lefelo la ka.”

³⁰⁶ Bjale ke nyaka le retologe thwi go dikologa go batheeletši, thwi go leba batheeletšing. Retologelang morago thwi go dikologa ka tsela *ye*, go leba batheeletši. Ke nyaka lena batho le emego, le rapelago, ke nyaka lena bohole go lebelela godimo ga batho ba. Bjale ba šetšeng ge ba phagamiša diatla tša bona.

³⁰⁷ Lena ba le tsebago gore le be le le badiradibe, gomme bjale le fetile go tšwa lehung go ya Bophelong, phagamišetšang diatla tša lena godimo ka moyeng gape ka mokgwa *woo*. Beang diatla tša lena godimo. Ke nyaka lena ka go batheeletši bao le ba amogelago bjalo ka banešu le dikgaetsedi, phagamišang diatla tša lena ka mokgwa *woo*. Bjale, ke lena bao.

³⁰⁸ Letago go Modimo! Tumišo e be go Modimo! Ke ba Gago. Ke barwa le barwedi ba Modimo, balopollwa.

³⁰⁹ Bjale a re, yo mongwe le yo mongwe inamišeng, dihlogo tša rena, gomme re neele ditebogo go Modimo ka se A ba diretšego sona.

³¹⁰ Ke ba bakae ka fa, bao ba bego ba babja, ba ikwetše go babja, gomme bjale o phagamišetša seatla sa gago godimo, o re, “Ke a dumela gore ke a tseba gore Bogona bja Jesu Kriste bošegong bjo bo mphodišitše. Ga ke sa babja gape.” Phagamišetša diatla tša gago godimo, yo mongwe le yo mongwe. Lebelela mo, batheeletši bohole. Gabotse. “Bjale ke fodile ka Madi a Jesu Kriste.”

³¹¹ Bjale, a re inamišeng dihlogo tša rena gape. Gomme yo mongwe le yo mongwe, lena batho, sepelelang godimo, beang diatla tša lena godimo ga batho ba, lena Bakriste. O nyaka go ba fa seatla se setona sa kopanelo, le go ba šegofatša, le go ba mema go kereke ya gago, goba e ka ba eng o e dirago. Modimo a be le wena.

³¹² Gomme a re inamišeng dihlogo tša rena bjale. Gomme yo mongwe le yo mongwe wa rena, ka tsela ya rena beng, re fa ditebogo go Modimo bakeng sa se A se dirilego. Go lokile. A re inamišeng dihlogo tša rena.

³¹³ Ngwanešu Mack, gobaneng o sa tle fa le go re etapele ka thapelo ye. Ee, Morena. Ee. 

EYANG, TSOŠANG JESU NST63-1103
(Go, Wake Jesus)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Nofemere 3, 1963, ka Grantway Assembly Of God ka Tucson, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org